

KANA MULIMU WA CINCANGA

MULELO WA HAE KA

LINZWI LA HAE?

 Halu inamiseñi litoho zaluna. Mulena Jesu yomunde, lu kopani hape mwa Libizo la Hao, ka tibelelo yetuna ya ku suluha kwa Pata ya Mulimu yafa bupilo ka ku lutisa mwa temuho ya kalulo ya luna ni sibaka, ni misebezi ya luna, kakuba sicaba se si bizizwe, se si kauhani ni lifasi, se si ineezi ku Mulimu. Lumeleza, Mulena, busihu bo, kuli limbuyoti za Mulimu li lu eteletele ni ku lu zamaisa mwa lika ze lu eza kamba ku bulela, kuli kutahé kanya ni likute kwa Libizo la Hao. Amen.

² Ni tabile fa kukutela mwa keleke busihu bwa kacenu ni kuba ni sicaba sa mina se sinde. Mi Ni ziba kuli kwa futumala, kona Ni sa zo lizeza musala ka, Ni sepa kuli kwani ki nainte cwalo-cwalo, nainte-faifi kamba nainte-sikisi kamba sesiñwi, mi kwa futumala nyana kufita mo kuinezi kwanu. Kacwalo Ni ya ni twaela buino bo bu futumala cwale. Kacwalo, kono Ni tabile hahulu ka kuba mo mwa tabernakele ka nako yende ya Paseka ye.

³ Mi ha Ni koni ku bulela kuli Ni ka kupa swalelo ka kunga nako yetelele, Liñusa le li telele kakusasana wa kacenu, kono Ne...Ne li lelitelele, Ne ni sa bati ku-ku katalisa pilutelele ya mina mi ni kukutela ku lona busihu bo. Kono Ne—Ne ni bata ku-ku fitisa Liñusa lani ku mina, kuli mu siemba sa zuho ye. Mwabona? Mi musike mwa bilaela ka Lona, ni hanyinyani, mwabona. Mu fituluke fela ku Lona! Hakuna sesiñwi, kai kamba kai, se si ka mi kauhanya ku Lona; hakuna; mu bukelelizwe Kuyakuile mwa Mubuso wa Mulimu. Haiba nji Mulimu u mamekile Liswayo la Hae ku mina, mu ya kwa mafelelezo a ko mu libile.

⁴ Mi muuso ha u mameka liswayo fa sibyana, simbayambaya ha si beya liswayo fa sikwalo, mota yani haikoni ku swalawa konji ha i yo fita ko i libile.

Mi Mulimu ha mameka Liswayo la Hae ku mutu. Mi Liswayo ki Moya o Kenile. Mi Ha swaya mutu ona cwalo, u ya kwa libile kwa Kuyakuile. Ha ku sa konahala kuli, akute mwa mulaho, ni kamuta. Kakuli muhupule, Maeferese 4:30 ili, “Musike mwa halifisa Moya o Kenile wa Mulimu, ili ka ona mu swailwe ka linako kaufela.” Mwabona, mu swailwe kuyakuile. Mu swailwe,

Kuyakuile, kukena mwa Mubuso wa Mulimu, ka Moya o Kenile. Cwale mu nahane ka zona!

⁵ Haili, mina, diabulosi uka mi posaka, mi u ka bulela lika kaufela ku mina, ni ku mi tameleza, mi—mi alike ku mi eza kuli munahane kuli ha mu cwalo. Kono musike mwa mu utwela.

⁶ Cwale, mu ziba kuli mu silile kuzwa kwa lifu mukeni mwa Bupilo. Mwa ziba lika ze ne mu latanga sa pili, ha mu sa li tabela ni hanyinyani. Mu ziba kuli mu lumezi Linzwi la Mulimu kaufela. Mu boni Mulimu inza beleka ona mwahala luna mo, kusina . . . Litaba za kusapalelwa kuli Yena ki yomutuna “YA LITENI.” Mu lemuhile kuli kaufela ze ki le za bulelwa ka Libizo la Hae, hakuna nihaiba sika silisiñwi ku ze kile za polofitwa ka Libizo la Hae kono kwanda kuli kaufela li ezahalile ona cwalo fela mo ne li bulelezwi. Mane nihaiba sayansi, mutende, siswaniso, ma kamera, bañoli, lika zeñwi kamukana, lina ni ku lemuha cwalo. Mwabona, ikana ya ba kuli ba lakaza kueza sani kamba nee, Mulimu ki yena ya li eza, ni hakuli cwalo, mwabona, ku li zibahaza.

⁷ Cwale, ka kuba sikuwata se si nyinyani. Muhupule, ha ki sikuwata se si tuna seo Ataha ku sona. “Musike mwa saba, mutapi o munyinyani; ki tato yende ya Ndate . . .” Mwabona?

⁸ Ni bata ku mi siyela linzwi, leli komokisa, lu sikaba kale fela ni ku beya mazoho ku mukutazi. Mi le la komokisa luli, kono fakuli fela muzibe. Cwale, Hani buleli kuli ye kona nombolo ye tokwahala, kono Ni tabela ku mi siyela yona.

⁹ Hani ziba kamba kuna ni batu mwahali mo ba bakile ba bona fateni likomu za mazwake. Zeo, Ni sa lumeli ku zona, kono Ni li boni mo li ezezwa. Mi Ni ba boni ha banga mata a buuna kwa komu ya poho, a mañata nyana, ku aswala fa kasipi nyana, inge kakota nyana ka kuiconkomonisa mwa meno, ni ku a beya fa siemba sa macwe. Ni ku tukisa magilasi ani a bonisa ka butuna, Hani zibi kuli ki ka linako ze kai, kufitela mata a buuna ani . . . Ko musike mwa bona sika ka liito la nama, siiponi se si bunolo kaufela. Kono ha sa bonisizwe ka butuna, mwanda kamba mwanda ni mashumi a ketalizoho, mwakona ku bona mwa li loteli lililiñwi lani, la mata a buuna, mwendi ki tukokwani totu mashumi a ketalizoho kuisa mwanda tunze tu pikuluha. Hape, ku ya sitole kutaha mai amañata, mwa—mwa mata a buuna ani. Cwale, ha li se li—li tisizwe hamoho, cwale, zepeli za makalelo ze ka kopana ni ku swalana . . .

¹⁰ Kuna ni fela kalikaliñwi ku to tu milioni twani kaka ka pila. Kana mukile mwa lemuha cwalo? Ki mata a buuna a swana, ni lii le liswana, sibeli sa zona za swana, kono kuna ni fela iliñwi ye ka pila. Mi sani hakuna kuli ye itahanela kuba ya pili. Kakuli, fokuñwi lii, kwani kwa mulaho, mi kokwani ikona kuba mwahala mata a buuna, mi lika alabana yeñwi ku yeñwi. Si lwala Butali fa kuziba kuli ikaba mushimani kamba musizana,

wa milili ye mi fubelu, milili ye minsu, kamba zani kaufela. Ki kuketa kwa Mulimu. Haikoni kuba taba isili fela. Kuketa!

¹¹ Neba mwa kupepwa kwa nama, ki keto, ikana ya ba mushimani kamba musizana, kamba seo kaufela sikaba sona. Mi cwale mata a buuna ani anza minyauka mwa lii lani, kipeto muhata wani wa pumeha kwateni, ukala ka moongola wa mbututu ku ye ika swana kaufela; folofolo, mbututu, kamba seo kaufela sili sona. Mi zeñwi za likokwani ze lule zani... Mai a lule, likokwani ze lule, mi ki iliñwi fela ye ka pila. Ka mukwa o swana, kono Mulimu uya ka kuketa se si ka pila, mi kipeto ze siyezi za ishwela. Iliñwi kuzwa ku ze lule!

¹² Fani Isilaele hana zwile mwa Egepita, kaufela bona ne ba lumezi mwa liñusa la mupolofita alimuñwi. Ne ba boni lisupo za Mulimu, ka Mushe. Mañi ni mañi wa bona na liboni. Mi mutu ni mutu ne ba zwile mwa Egepita, mi ba zamaya mwa Liwate le Lifubelu, mi ba kolobezwa ka Mushe. Mutu ni mutu na boni mata a Mulimu a i tahisa, fani hana opelezi mwa Moya; mi fani Miriame ato liza kambuli, ku mata-mata fa likamba. Mañi ni mañi wa bona, busihu ni busihu, ne ba ca, manna yenca ye zwelela mwa lihalimu. Yomuñwi wa bona kaufela na nwile kwa Licwe la moya lani lene li natilwe. Mi ne kuna ni batu baba eza tu milioni bene ba zwile mwa Egepita. Ki babakai bene ba ilo punya naha ya sepi? Bababeli. Alimuñwi kuba milioni! Babañwi ne bali kai? Jesu naize kuli ne ba shwile. "Bo ndata mina ne ba cile manna mwa lihalaua, ka nako ye likana lilimo ze mashumi a malalu, mi Ni li ku mina kaufela bona ba shwile."

¹³ Cwale kuna ni Bakreste baba likana faifi handeleti milioni busihu bwa kacenu, kubala ba Katolika, Baipanguli, ni bao kaufela. Kambe Jesu na ka taha mwa Kuungelwa kwani, kuya ka se Ni bulezi, ne ku ka tondahala baba eza faifi handeleti busihu bwa kacenu, mwa Kuungelwa. Mi kanti ku cwalo zazi ni zazi, kubala linaha kaufela, ze si ka bulelwa. Kacwalo ikona kuba ka nako kaufela, mwabona.

¹⁴ Oh, Bakreste, ha lu tiyeleñi fa lilwaniso la Mulimu. Halu ezeñi kaufela ze lu ziba mwa ku ezeza, ku sebeleza Yena, ku Mu lata, ni ku libelela nako yetuna yani.

¹⁵ Cwale, hakuna kuba ma milioni amañata ni nyangela ye ka zwa mwa lusika ni kutaha ba caula. Haku—haku konahali kuba cwalo.

Cwale, muhupule, zazi ni zazi lusika lwa fela, zazi ni zazi. "Ona mo ne kuinezi mwa mazazi a Nuwe, kona mo ku kabela ni ha taha Mwana mutu, ko ne ku pilisizwe fela mioya ye ketalizoho ka ye milalu kwa mezi." Kono zazi ni zazi lifeza lilimo ze mashumi amane za yomuñwi, ku babañwi. Mwabona? Mi zazi ni zazi, ki babañata hahulu baba swailwe mwa Mubuso. Zazi leliñwi, zazi la mafelelezo li ka taha.

Halu beni ni niti cwale, ha lu sa inzi ka minahano ya luna ye i ketile. Mi mwa keleke, ni mwahala sicaba, ko Moya o Kenile uitibahalize ili Ona ku luna, ha lu boneñi hande kuli lika kaufela li i ketile, mi liina ka swanelo, fapila Hae.

¹⁶ Musike mwa itulela. Musike mwa pumula, musihali ni busihu, kufitela Mata ani a fa bupilo a sa mi zwisize kwa lika za lifasi, kukena mwa Mubuso wa Mulimu. Mi mina baba pepilwe mwa Mubuso wa Mulimu ka niti mi mu filwe mata ka Moya wa Mulimu, ki tabo yecwani! Ka mioko ya tabo lu lukela kuba fa mañwele a luna, musihali ni busihu, kulumba Mulimu ka Za ezize.

¹⁷ Busihu bwa kacenu luna ni cinceho nyana mwa sebelezo. Luna ni muzwale yomunde mwahali mo, Muzwale Capps. Utile ku luna uzwa kwa keleke ya Nazarene. Mi Ni sepa kuli ku lukile, Muzwale Capps? U itakaleza kuli busihu bwa kacenu abeiwe fa bukutazi ka luna, ka ku mu beya mazoho.

¹⁸ Haluna mapampili a kufa ku mutu ufi kamba ufi, kono lwa zibahala kuba... Ne lukaba ni mapampili, kono lu lumela kuli mukutazi wa niti, ya beilwe mazoho, mapampili a hae ainzi mwa Lihalimu. Mwabona? Mi yena—yena una ni tukelo ya ku kutaza Bibele haibile fela Mulimu wa paka bupilo bwa hae ka Bibele. Lu lumela kuli ani kona mapepa a hae.

¹⁹ Mi, cwale, Muzwale Capps ubeilwe mazoho ka swanelo mwa keleke ya—ya Nazarene, kono busihu bwa kacenu ubata kuli ba bahulu, ni babañwi cwalo, kuli ba mu beye mazoho kwa bukutazi, kuli alwale Liñusa le. Ki taba yende cwani!

²⁰ Ni bile—Ni bile ni utwa lipiho kuzwa fo Ni bezi mwa Tucson, mi ki lipiho zende luli, za Muzwale Capps kwanu ka tuso ya hae ku Muzwale wa luna yomunde Neville, yena ya sweli kandela ya Liseli ka bunde luli sina baana bababeli ba mo ba kona ku swalela. Lu se lubeile mazoho ku Muzwale Neville, kono isiñi ku Muzwale Capps. Mi Ni bata bao babali bakutazi, Muzwale Jackson ni babañwi, haiba ba teni mo, ni Muzwale Ruddell ni bahulu ba keleke mo, kambe ne ba ka taha kwanu fa mizuzu nyana fela cwale, ni ku to beya mazoho ku Muzwale Capps. Ni ba...

²¹ Cwale lu fumana cwana, mwa Bibele, kuli kona mo ne ba evezanga, baba beya mazoho ni ku ba toma kwatuko. Mi kona mo ne ba ezelize Timotea. Ili, “Ka mpo yene li ku wena, ku zwa ku kuku wa hae Lois...” Ne ba lemuhile, kuli ne kuna ni mpo ku mutu yani, se ba taha ku yena ka baeteleli ba puteho, ka ku mu beya mazoho.

²² Cwale, mizwale ba lizazi la maungulo, mizwale ba pula ya maungulo, bona, bana ni, kulyangana cwalo. Ne ba hupula kuli ba mu file mpo, ka kueza cwalo. Batili, mpo neili kale ku yena, mi bona ne ba beile fela mazoho fahalimwa hae kuba tumelelano

ya kuli ne ba lumela kuli Mulimu na beile kale mpo ku yena. Mi ba i lumeleza, ka kubeya mazoho.

²³ Mi baana ba mwa keleke ye, bao Ni lumela kuli bana ni Mata a Hae afa bupilo mwa miyo ya bona; kambe mina mizwale ne mu ka taha kwanu cwale, Muzwale Ruddell ni mina babañwi kaufela baba liteni mwa keleke, ni ba bahulu ni likeleke ze li bukaufi za kwanu, mu to beya mazoho ku Muzwale Capps, kuli akone ku beiwa fa bukutazi ka tumelelano ya luna, fapila sicaba se, mi alumiwe kwande ku yo kutaza Evangeli ya Mulena Jesu, koo kaufela Mulimu akona ku mu biza. Abe cwalo . . .

Yena ki alimuñwi wa luna ni kale, ka Kupepwa. Ki alimuñwi wa luna kakuli u lumezi Liñusa. Ki alimuñwi wa luna kakuli u—u yemela Niti ya Linzwi. Mi lu bata Muzwale Capps kuli abeiwe mazoho ka swanelo, fapila mina, ka ku mu beya mazoho, kuli ki alimuñwi wa luna.

Ku likani, Muzwale Ruddell, Muzwale Capps, Muzwale Neville. Muzwale Junior Jackson, yomuñwi kaufela wa bakutazi ba kwanu, Hani zibi fela kuli ki babakai baba liteni. Hani zibi . . . Ni sepa kuli bana ni lisebelezo za bona busihu bwa kacenu. Kacwalo a kutahe cwalo kwanu, Muzwale Capps.

Cwale uka i Muzwale Hunter ni babañwi baba zwa kwa New York, Ni . . . Muzwale Anthony? Ni sepa mwendi ba kutile. [Muzwale Neville uli, “Ki yani Muzwale Anthony kwa mulaho kwani.”—Mu.]

Yomuñwi wa mina baba liteni mo, mina mu inzi ni luna, kupalañi, ne lu kaba baba tabile kuli mu tahe kwanu mi mu to yema ni luna cwale, ka temuho ya kuli lu lumela Muzwale Capps kuli abe.

Ki babakai ba mina mo baba ziba Muzwale Capps, mu nanule mazoho a mina. Ku lukile, a mu wise mazoho a mina. Ki babakai baba lumela kuli ki mutanga Mulimu, mu nanule mazoho a mina. [Puteho ili, “Amen.”—Mu.] Lwa mu lata, kakuba muzwale wa luna.

²⁴ Cwale ye ha ki yona nzila ye swanelo ye lu kona ku biza kuli kubeya mazoho, kono Ni bata sicaba se . . . Hani koni ku opela pina ye, kono Ni bata kuli mu ni tuse ku i lika. Yani . . .

²⁵ Zazi leliñwi mupolofita naile kwa katala, mwa tempele. Mi hana sa li mwani mwa tempele . . . Nabile muuna yomunde, kono na yendamezi fela fa mazoho a mulena Uzia, mi nali—nali muuna yomunde. Kono niteni, zazi leliñwi, mwa tempele, na boni taba yeñwi, fani hana keni mwa pono, yana si ka bona kale fateni. Na boni Mangeloi, ni mafufa, inza fufela kwa mulaho ni kwa pata, mwa muyaho, inza huweleza, “Uya kenile, uya kenile, uya kenile, Mulena Mulimu Yamata kaufela!”

Aku tahe, muzwale. Eeni. Mwabona?

“Uya kenile, uya kenile, uya kenile, Mulena Mulimu Yamata kaufela!”

Ben?

²⁶ Mi fani hana ezize sani, misumo ya tempele ya nyanganya. Mi ki hali, “Bumai ki bwaka! kakuli Ni mutu wa milomo ye nani masila.” Fa pila Pata ya Mulimu na itebuhile, kuli ni kwa nali mupolofita, nana ni mafosisa. Ki hali, “Ni mutu wa milomo ye masila, mi Ni pila mwahala sicaba sa milomo ye masila.”

²⁷ Mi leliñwi la Mangeloi ki ha li fufa, ni kunga lishala la Mulilo ni kuswala milomo ya hae, mi lali, “Polofita, mwana mutu!”

Kana wa kona ku lufa munembo wa silimba foo, kezeli, haiba u lata. Ki babakai baba ziba pina ye? Kifo, timana ya pili. Ku lukile.

Cwale lishala la Mulilo ha li to swala mupolofita,

Ku mu kenisa ka mo ku swanelia kubela,

Mi linzwi la Mulimu lali, “Ki mañi ya kaya bakeñisa luna?”

Mi ki ha alaba ali, “Kina yo, u lume Na.”

[Hakuna manzwi fa tepu—Mu.] . . . bulela,
Mulena ka,

Bulela, mi Ni ka akufa ku Ku alaba;

Bulela, Mulena ka, bulela, Mulena ka,

Bulela, mi Ni ka alaba, “Mulena, uni lume.”

Bo lule cwale ba mwa sibi ni maswabi mi ba shwa;

Utwa sililo sa bona se si butuku ni kutomolisa;

Akufa, muzwale, akufela ku ba lamulela;

Kapili u alabe uli, “Muluti, ki Na yo fa.”

Bulela, Mulena ka, bulela, Mulena ka,

Bulela, mi Ni ka akufa ku Ku alaba;

Bulela, Mulena ka, bulela, Mulena ka,

Bulela, mi Ni ka alaba kuli, “Mulena, uni lume.”

Cwale ba bahulu ha ba tahe mi ba beye mazoho ku Muzwale Capps. Kaufela luna lu inamiseñi litoho za luna.

²⁸ Mulimu Yomunde, misumo ya tempele inyanganyize hape, mi ka kubona Moya o tisa mata kwa Bupilo o nzo beleka ku muzwale wa luna. Na lapela, Mulimu, ha nza ikutwa cwalo kuzwa kwa Lihalimu, sani si tomilwe kuli una ni kuya. Lu mu beya mazoho, kakuba ba bahulu ba Hao, Mulena, mi u mufe tukuluho ya kopano; mi lu mu beya mazoho, mi lu tambeka limbuyoti za Mulimu fahalimwa hae, kuli U toze milomo ya hae, munahano wa hae, buino bwa hae ka kutala. Mi ha lwale Liñusa le la Evangelii kwa mwandala kaufela ni lilulu kona ko Uka mu

bizeza. Lumeleza cwalo, Mulena. Lu fa ku Wena muzwale wa luna, kakuba mutanga Hao, ka Libizo la Jesu Kreste. Amen.

²⁹ “U kutaze Linzwi,” muzwale munyana ka. “Ibe mwa linako zende, ni mwa linako zetata; ukalimele, ueleze, ka pilutelele kaufela ni Tuto.” Mulimu aku fuyole, muzwale.

³⁰ [Muzwale Ben Bryant uli, “Muzwale Branham, kana uka ni beya mazoho? Kana baka ni beya mazoho? Ni tabela ku beiwa mazoho.”—Mu.] Kikuli una . . . Ne ni sa zibi kuli wali kuba.

Muzwale Ben, kwanu, u tile ku luna. Ni sepa ubile a kutaza fa nako nyana. Ibo, kanti ha si ka ba ka zibahazwa kwa nyangela (Ne ni hupulanga kuli u bile kale cwalo; lani kona libaka le Ni mu bizelize kwa pata) ato kakulwa, kamba ku mu beya mazoho kwanu.

³¹ Cwale, musala Muzwale Ben utwni mo kokuñwi, mi yena ki mutu yomunde. Nali mukutazi wa musali. Mi cwale yena ni muzwale wa luna hane ba nyalani, mi a mutisa kwa tabernakele, fani hana boni ni kuutwa Linzwi, ki kalibe yomunde yomunyinyani ni butu sakata bo bunde, kono hana tilo bona kuli ki mafosisa musali kueza cwalo, ki ha itulela fani; mi ku bonahalile kuli liwezi muuna hae. Cwalo kona swanelo. Bwani kona bu apositola. Cwalo kona mo ku lukela kubela.

³² Muzwale Ben u shimbanga matepu, kuya ka mo Ni zibela, ni musala hae. Ba ya mwa mi . . . kwande mwa libaka za matakanyani, kwa buse bwa malundu, mwa mishitu, mi ba liza matepu a ni ku bulela sesiñwi ka matepu. Linako zeñata ba ba matisanga, ku ba leleka, kuba hanela. Lu kulubela zani. “Kakuli kaufela baba pila ka bumulimu ku Kreste Jesu ba ka nyandiswa.”

³³ Ki babakai mo baba ziba Muzwale Ben? Ki babakai baba mu lumela kuli ki mutanga Mulimu, [Puteho ili, “Amen.”—Mu.] kana wa swanela mbuyoti ye lu mu kupela ku Mulimu nji? Mwabona, ha ki muenyi. U sa bile ni luna fa lilimo ni lilimo. Ni mu ziba ka kuba muuna ya ishuwile. U swana sina na; wa banga ni mafosisa a mañata. Kaufela lwa ezanga cwalo. Se Ni tabela ka Muzwale Ben, kikuli wa itakaleza kuwa ka mañwele ni ku kondisa lika.

Mi hana utwile, zazi leliñwi, ka *Linyalo Ni Telekano*, yena ni musala hae ne ba itukisize ku kauhana, kakuli wa lata mufumahali wa hae, mi ni yena wa mu lata, kono ba bata ku itiisa ka Linzwi la Mulimu. Seo kaufela Linzwi li si bulela, sani kona sene ba bata. Ni lapela kuli Mulimu uka fuyola Ben ni musala hae, kwa sebelezo ya Hae.

Halu beyeni mazoho muzwale wa luna.

³⁴ Mulimu Yomunde, lu beya mazoho a luna ku Muzwale Ben, ka sisupo sa kuli lwa mu lata. Mi lwa lumela, Mulena, kuli u itakaleza ku Ku ezeza musebezi, ku lumelwa kwande ni matepu a, ku yo alizanga kwa batu ba mwa malundu mwa linzila za

kwahule mwendi ko lusike kuya buñata bwa luna, kono niteñi Liñusa li swanela kuya kwa lifasi kaufela. Lu lapela kuli U fuyole muzwale wa luna, mi u mufe Moya wa Hao, mi ha U tahe fahalimwa hae. Mi u mu etelele, mi u mu zamaise yena ni musala hae kwa libaka zani kwa kuli mwendi moyo ulimuñwi wani kona ko ufumaneha kwani, mi minyako haina ku kwala kufitela ngu iliñwi yani ha se ikeni. Wena ha u yemeli kuba nainte naini. Bani . . . Libizo kaufela le li liteni mwa Buka li lukela kutiswa mwateri. Ba tuse, Mulena, halunze lu mu beya mazoho, ka ku itwaeza yena ku luna kuba muzwale wa luna. Ni tuso ya luna ni tapelo ku yena, i ka ya ni yena. Mi lu lapela kuli U ka mu fuyola, Mulena, kaufela kwa ka ya. Ka Libizo la Jesu. Amen.

U fuyolwe, Muzwale Ben! Tukuluho ya mwa kopano lwa kufa yona, kakuba mizwale ya bakutazi. Mulimu aku fuyole, muzwale.

³⁵ [Muzwale Earl Martin uli, “Muzwale Branham, kana uka ni beya mazoho, kuli ni beleke sina mulisana?”—Mu.] John Martin . . . [“Earl.”] Earl.

Ki babakai baba ziba Earl Martin? Ki babakai baba mu lumela kuba mutanga wa Kreste? Utile ku luna kuzwa kwa . . . Ni sepa kuli ki, kwa makalelo, uzwa kwa sikuwata sa ma Pentekota, mi cwale Ni sepa kuli wa lisa ni kueza musebezi omuñwi.

³⁶ Ni zibile Earl kuba mutanga wa Kreste. Hanina ku libala kezo iliñwi, ki zeñata ze bile teni, kono kezo iliñwi ni Earl. Ni hupula busihu bobuñwi ne ba mu bizize hane Ni li mwa Dallas, Texas; kamba Na—Na lumela, batili, ne li . . . [Kezeli uli kwa, “Beaumont.”—Mu.] Beaumont, Texas, ki niti, kezeli. Mi bona ba—ba . . . Mbututu wa na lobezi, inza shwa, mi haba mu tisa na sa shwile kale. Na sa buyeli nihaiba hanyinyani. Mi Earl ki ha taha kwa musiyo wa ka, sina ndate, maheta a weyukile, a kubama fapila ka, hane Ni li mwa mumbeta. A nanuha; mi ani kambeka mazoho a hae ku na ali, “Muzwale, Ni lumela kuli u mupolofita wa Mulimu. Ni bile ni lumela cwalo kamita. Mi kambe no ka bulela fela linzwi, nihaiba kuli mbututu wa ka ushwile, u ka pila.” Mi mbututu wa hae a kutela mwa bupilo, wa pila.

³⁷ Kana mwa lumela kuli wa swanela tukuluho ya kopano ya balumeli ba nji? [Puteho ili, “Amen.”—Mu.]

Halu lapeleni, mizwale, halunze lu mu beya mazoho.

³⁸ Ndate ya Muhamau wa Lihalimu, lu beya mazoho, hape, ku Muzwale wa luna Martin. Lwa mu luma, Mulena, kwa libaka za kwahule kona ko U lukisize kuli u swanela ku ya; kamba ki kai kaufela, babañata kamba ba banyinyani, mwa tu nzila to tunyinyani, likululu, miseto, haiba ku ba cwalo. Kamba i fumaneha kai, Mulena, cwale limbuyoti za Hao libe ni yena. Lu mu beya mazoho sina ha lu mu kupela ku akufa kwa Hao ni ku mu fa limbuyoti za luna, kuli Moya o ili ku luna, Mulena,

u zamaye ni yena, mi u mu etelele ni ku mu zamaisa kwa mioyo ye latehile kwande kwa miseto ni mwa makululu. Lwa mu luma, ka Libizo la Jesu Kreste. Amen.

Mulimu aku fuyole, Muzwale Martin. Zamaya cwale, mi Mulena abe ni wena.

³⁹ Ka mukwa o swana? [Muzwale Richard Blair u ambola ni Muzwale Branham—Mu.] Richard kona libizo la hao nji? ["Kulukile. Richard Blair."] Ki babakai baba ziba Richard Blair? Ki babakai baba mu lumela kuba mutanga Mulimu? U zwelela kwa—kwa sikhwata sa ba keleke ya United Pentecostal.

Muzwale wa luna, Muzwale Blair, Ni hupula pizo yetuna, ya hae. Ni hupula nako ko Muzwale Blair na sa tabeli, na sa lati ku ni lumela, kakuli ne ku na ni moya o no sa beleka ni yena, wo no mu bulelela kuli Ne nili wa buhata. Mi hana sa inzi mwa mukopano wani, Moya o Kenile wa sikuluha ni ku to upatulula. [Muzwale Blair uli, "Yeo ki niti."—Mu.] Mi nali fela bukaufi kuli a—a bokolole, mi sani kona se ne si mu beile mwa buino bwani.

Mi Na hupula musala hae yomunde ha ni biza zazi leliñwi. Mi sali, "Muzwale Branham, Ni sepa kuli Richard uka shwa." Mi ki hali, Na lumela, ki lisila. Aya ku yo mu apesa lona, hane Ni mu kupa, ni kulapela. Ki yo fa. [Muzwale Blair uli, "Amen."—Mu.]

⁴⁰ Mbututu yomunyinyani nabile mwa kozi, kamba... [Muzwale Blair uli, "Mushimani wa ka."—Mu.] Mushimani wa hae, mwa kozi, kuli mane ne ba sa sepi ka yena, neli ku lyangani nyana kwa booko. Mi ka tapelo, mane niheba fa luwaile, mbututu a ba hande. ["Amen."]

Kana mwa lumela kuli Muzwale Blair ki paki ya niti wa Kreste? [Puteho ili, "Amen."—Mu.] Mu lapele kuli limbuyoti za mina li zamaye ni yena.

Mizwale, amu mu beye mazoho.

⁴¹ Mulimu Yomunde, ka ku zibahaza muzwale wa luna ya ishuwile, mutanga Hao, ya zwile mane ni kwa sikhwata sa habo, kuli azamaye mwa Liseli. Ndate, lu lapela kuli U fuyole Muzwale wa luna Blair, halunze lu mu luma ni limbuyoti za luna ni tumelelano ya luna, ni mazoho a luna fahalimwa hae, koo kaufela Ukona ku mu biza, Mulena, kwa musebezi kaufela o ukona kuba ona. Mi Moya wa Hao u zamaye ni Muzwale Blair. Mu zamaise ni ku mu etelela ku baba latehile ni baba shwa ba lifasi le, kuli akone kutusa ku fumana ngu ye latehile yani, kuli akone ku i kutiseza mwa mulaka. Kaufela ko ikona kuba, kaufela seo U mu bulukezi, Mulena, lu kupa fela kuli Moya wa Hao u mu zamaise ni ku mu etelela mwahala musipili wa bupilo bwa hae kaufela. Luna lu mizwale ya hae. Ka ku mufa tukuluho ya kopano, lwa Ku kupa kuli u zamaye ni yena, ka Libizo la Jesu Kreste. Amen.

Tukuluho ya mwa kopano! Mulimu aku fuyole, Muzwale Blair. Lu inzi ni wena, ka ze mwanda kaufela hamoho, lu kana lu ku lapelela ni kueza sika kaufela se lu kona kuli lu tuse ku zwelapili. Mulimu aku fuyole.

⁴² [Muzwale Merlin Anthon uli, “Ki nto yeswana ni ku na, Muzwale Branham, ku beiwa mazoho.”—Mu.] Uli cwani? [“Ku beiwa mazoho.”] Ki wena mañi? [“Merlin Anthon.”] Merlin Anthon. [“Ni mwa keleke.”] Kakai? [“Ona mwa keleke mo.”] Mwa keleke. Kuna ni ya ziba Muzwale Merlin Anthon? Ki yo munca, ku na. [“Ni wa sikwata sa ba Salvation Army. Wa ni hupula?”] Oh, eehe. Uni swalele, muzwale.

Kuzwa ku ba Salvation Army, yani ki niti, Ni mu hupuzi. Luli, Ni mu zibile cwale. Ne ni sa... Sifateho sa hae ne si sa bonahali ku zibahala ku na fani, ka nako ye. Ki babakai baba mu ziba kuba muuna Mulimu? [Puteho ili, “Amen.”—Mu.] Ki babakai baba lumela kuli—kuli Mulimu usweli ku beleka ni yena, mu nanule mazoho a mina. [“Amen.”] Kana mu ka mu lapelela? [“Amen.”]

⁴³ Cwale, muzwale, lu ziba kuli u zwelela kwa sikwata se situna sa batu, Salvation Army, ki sikwata se si tuna. Kono, mi, ba Salvation Army ba ezanga musebezi o mutuna hahulu fa mikwakwa. Hakuna se lu ka bulela ku lwanisa ba Nazarene, ba keleke ya Pentekota, kamba ba Salvation Army, kamba yeñwi ya zona; ki mizwale ba luna. Kono, mwa bona, lu lumela kuli lu balwali ba Liñusa lelituna la yona hola ye lu pila ku yona. Wa tabelia kueza sani ni luna? [Muzwale Anthon uli, “Amen.”—Mu.]

Halu inamiseni litoho za luna ha nze lu beya mazoho ku muzwale wa luna.

⁴⁴ Ndate Yomunde ya kwa Lihalimu, Wena ki wena Ya bizanga. Ki wena Ya fa mata kwa Linzwi, ili kuli ba lumele. Mi lu beya mazoho a luna ku muzwale wa luna yomunde, kakuba tumelelano ya kuli U inzi ni yena mi uka mu tusa. Lu luma limbuyoti za luna ku yena, kuli luna baba lumela kuli lu zwile kwa lifu kokena mwa Bupilo mi cwale lu sweli Mata a fa bupilo mwa lipilu za luna, ka muhau wa Mulimu. Lu mu beya mazoho muzwale wa luna ni ku mu luma ni limbuyoti za luna, kuli U ka mu zamaisa ni ku mu etelela kwa pakani kaufela ya lifasi, Mulena, ko Mu ketezi kuli aye teñi. Cwale Moya wa Hao u zamaye ni yena mi u mufe buiketo, mata, ni ku kondisa mwa bulumiwa bwa hae, kakuli lwa mu luma ka Libizo la Jesu Kreste. Amen.

⁴⁵ Mulimu aku fuyole, muzwale. Yani kona tukuluho ya kopano, mwa ziba, mizwale amu swalana mwa mazoho ni yena, mizwale sina cwalo. Ili kuli mube... Ku lukile, Mulena ami fuyole kamukana.

⁴⁶ [Muzwale Carrell uli, “Nali—Nali kuba ni beiwe mazoho, ka swanelo. Ni bata kuli u ni beye mazoho, sina bani, ka Libizo

la Jesu.”—Mu.] Wena, kaufela so itakaleza. Mi sa hao . . . [“Nako ya kuba, mi kuswana ni bona.”] Cwale ki wena mañi libizo? [“Muzwale Carrell, kuzwa kwa Cincinnati.”] Muzwale Carrell.

[Muzwale Carrell uli, “Ne ni li mukutazi yana beilwe mazoho, kono ne Ni sika lumelelana ni muzwale yana beya mazoho basali kuba bakutazi, mi Ne ni nani ku zwa mwateri ku icemela.”—Mu.]

Yo ki Muzwale Carrell ya zwa kwa Cincinnati. Kana kuna ni ya ziba Muzwale Carrell, mu nanule . . . Ya zwa kwa Cincinnati, Na kakanya, kuli haiba kuna ni ya ziba. U bulezi kuli nali ni sikuwata, mi sikuwata ne si bata ku beya mazoho basali kuba bakutazi. Na sa lumelelani ni zona, mi ki ha kauhana kuzwa ku bona.

Ona cwalo kona mone Ni kauhanezi ni ba Missionary Baptist. Muituti Roy E. Davis, ki babakai baba kile ba mu utwa? Luli, mukile ni mina, mwabona. Na bata ku beya mazoho bakutazi ba basali, mi se Nili, “Batili, sha. Kakuba yomuhulu,” Se nili, “Hanikoni kueza cwalo, inge ni ziba. Sa lwanisa Linzwi la Mulimu.”

⁴⁷ Hani ku zibi, Muzwale Carrell. Kono kuya ka mayemo a bupaki bwa hao, ni Niti yo yemela . . . Halu lwanisa basali bani. Ki likezelii. Lwa ba lata. Kono lu lumela kuli bana ni sibaka sa bona, ni kuli ba lukela kuina. Mwabona? Mi lu lumela kuli ki balatiwa ba muuna yomuñwi, ki batusi. Mi hakuna mukwa . . . Lu nahana kuli ki mpo yetuna hahulu, kwanda puluso, yeo Mulimu akile afa ku muuna. Kono musali hana sibaka fa katala, kuya ka Linzwi la Mulimu. Ka ona mayemo ani, ni tumelo ya hao ku Mulimu, lwa ku beya mazoho, kakuba kopano, kuli u zamaye ni luna.

Halu mu beyeni mazoho a luna.

⁴⁸ Ndata luna Yomunde ya kwa Lihalimu! Mutangana yo, Na kona kuziba fela mwa i kutwela. U lelekilwe bakeñisa Niti ye sephahala. Kuli, “Mutu hana kupila buhobe fela, kono ka Linzwi kaufela.” Kacwalo lwa mu beya mazoho, ku beya limbuyoti za luna fa halimwa hae. Mi Moya wa Hao u mu zamaise, ku mu etelela, ni ku mu isa mwahala musipili kaufela wa bupilo koo kaufela Uka mu luma, Mulena. Hazibe kuli lwa mu lapelela, mi lu kaba tuso ku yena, ni ku mu yemela ibile fela uka yemela Niti. Lumeleza cwalo, Mulena. Lwa mu luma, ka Libizo la Jesu Kreste. Amen.

Mulimu aku fuyole, Muzwale Carrell.

Mu mubeya fela mazoho ao, baba shutana. Kaufela mina mu bonise tukuluho ya kopano kwa mufuta wani.

⁴⁹ Muzwale Ruddell, kwanu, ha sika kakulwa kale mwa keleke. Kana . . . Ki babakai baba ziba Muzwale Ruddell? [Puteho ili,

“Amen.”—Mu.] Luna kaufela lwa mu ziba. Ki babakai baba ziba kuli ki muuna Mulimu? [“Amen.”]

Ndate Yomunde ya kwa Lihalimu, luna ka kuba ba bahulu ba Hao lu beya mazoho a luna ku muzwale yo ya zamaile mwa mezi a buliba, ni sileze. U boni kopano ha iwile. U boni lika kaufela ha li ezahalile, kono ni foo wa lumela. Ni ha kuba . . . ? . . . Lu mu beya mazoho fa halimu, ni ku tambeka limbuyoti za luna ku yena. U mu toze, Mulena, ka mata, ka Linzwi, Mulena, mi u mu lumele kwa pakani kaufela ya lifasi! . . . ? . . . ube ni yena mi u mutuse. Mi u mu lume, ka Libizo la Jesu Kreste. Amen.

⁵⁰ Muzwale Ruddell, wena kamita una ni tukuluho kwa kopano. Na ziba Muzwale Ruddell. Ku bonahala mane inge—inge ki mushimani wa ka. Bo ndatahe ni Na, mahe, lu zibani fa nako yetelele hahulu. Mi Ni ziba Muzwale Ruddell kuba mutanga Mulimu. Ni sebelize ni yena. Mulimu aku fuyole, Muzwale Ruddell.

⁵¹ Ki yena mañi libizo? Ki wena mañi, muzwale? [Yomuñwi uli, “Ki mulamu wa Muzwale Martin.”—Mu.] Muzwale Martin, wa mu ziba, Muzwale Martin?

Ki wena mañi libizo? [Muzwale uli, “Revu. McComas.”—Mu.] Muzwale McComas. Ni sepa hakuna yomuñwi mo ya mu ziba, kono yena ki . . . Eehe, muuna yo fa wa mu ziba, Muzwale Tyler. Mi u taha ku to . . . beiwa mazoho ni yena, kuli abe mulwali wa Evangelii. Muzwale McComas, u zwelela kai, Muzwale McComas? [“Rockford, Illinois.”] Rockford, Illinois. [“Ne u ni lizelize kwa ndu, sunda ye felile, kamba busihu bwa la Mubulo ye fitile, ni ku lapelela musala ka.”] Oh, kana ki niti yeo nji? Ni zwa kwa Tucson. [“Tucson, Arizona.”] Oh, Ni hupuzi luwaile lwani cwale. [“Na tilo iketa habusa kakusasana.”] Ku lumbwe Mulena!

[Muzwale Martin ubulela sesiñwi ku Muzwale Branham—Mu.] Uli ñi? [“Munyaka wa kezeli.”] Kezela hao. [“Uteni mo cwale. Nana ni luñañali.”] Kacwalo, uteni mo cwale, na lapelezwi, busihu bobuñwi, kuzwa kwa Tucson, ka luwaile. [“Luñañali.”] Luñ- . . . [“Nana ni luñañali, mi uteni mo cwale.”] Nana ni luñañali, neli masihu a likani nyana a felile, mi uteni mo cwale. Muzwale Martin wa ziba sani, mulikani. Ki kabakaleo ubata kunga Liñusa!

Halu mu beyeni mazoho muzwale wa luna.

⁵² Mulimu Yomunde, Ni beya mazoho, ni babañwi ba, ku mutanga Hao, ni ku mufa tukuluho ya kopano, ni lapela kuli limbuyoti za Mulimu . . . ? . . . [Za bulela Muzwale Branham ha li utwahali hande—Mu.] . . . ? . . . ili zeo U mu tomezi ku abe zona. Mbuyoti ya Hao ibe ku yena, mi i mu zamaise ni ku mu eteleta, ka Libizo la Jesu Kreste. Amen.

Tukuluho ya mwa kopano, muzwale wa ka, mi zani libe ni wena. Mulimu abe ni wena.

⁵³ [Yomuñwi uli, "Muzwale Branham?"—Mu.] Eehe, muzwale? ["Ni nani alimuñwi ya silaezi ya bata cwana ni yena."] Ku lukile, sha. Ni sepa kuli yo ki...["Muzwale Darris."] Muzwale Darris. Ha ni... ["Ni ziba Muzwale Earl ni Muzwale Brewer."] Muuna yo ki Muzwale Darris. U zwelela kai, muzwale? ["Black Rock, Arkansas."] Black Rock, Arkansas. Muzwale...["Na mu ziba, muzwale."]...na muziba. Yomuñwi fela, Na lumela, kwanu, naize... Muzwale Brewer. Na lumela Ni kopani ni yena, kakusasana cwana. Mi—mi Kezeli Vayle, Na sepa, Muzwale Vayle, ni bona baba mu ziba, mi ba mu ziba kuli ki muuna wa Mulimu, mutanga wa Mulimu. Ki bunde!

⁵⁴ Kihande, cwale, muzwale wa ka yomunde, kuli abe mulwali wa Liñusa, lu bata u zibe kuli lu ka yema kwa mulaho wa hao, lu eze lika kaufela ze lu kona. Lu kana lu ku lapelela, kuli ni wena u lwale Liñusa le kwa libaka za kwahule kaufela ko Mulimu aku tomezi kuli u ye.

Halu beyeni mazoho a luna ku Muzwale wa luna Darris.

Mulimu Yomunde, lu beya mazoho aluna ku muzwale wa luna, ku mufa tukuluho ya mwa kopano, ni ku mu luma ka Libizo la Jesu Kreste, kuli Wena u mu toze. Mi...?... u mu fe tukuluho ya mwa kopano!...?... Mi Moya wa Hao uka zamaya ni yena, ku mu zamaisa ni ku mu etelela, ka Libizo la Jesu Kreste. Amen.

Mulimu aku fuyole, muzwale.

⁵⁵ Cwale, Na lumela, Muzwale Anthony. Buñata bwa mina mwa muziba Muzwale Anthony. U bile ni luna kwanu fa nako yetelele. Ni mu ziba ka kuba mutanga wa Kreste, na kasibili. Ni lumela kuli ki mutangana ya ipile luli. Ha si kaba kale ni ku beiwa mazoho ka swanelo fa pila sicaba. Na sa zibi kuli ze lika taha, balikani. Mwabona? Kono ona fa kona nako yende kufita isili kaufela. Kacwalo luka beya mazoho ku Muzwale Anthony ni ku mufa fela tukuluho ya mwa kopano. Mulimu u swanelo ku neela mutu fa musebezi. Se ki sa kueza fela kuli a zibe, mi mwa ziba, kuli lwa mu lumela muzwale yo mi lwa mu lata, mi ki alimuñwi wa luna, mwa Liñusa. Mi lu bata kuli abe ni limbuyoti za Mulimu, mi sani kona se lu mu kupela. Halu lapeleni, halunze lu beya mazoho ku, muzwale.

⁵⁶ Mulimu Yomunde, mutanga yomunyinyani, wa mu Italian mutanga Hao, Mulena, ya tile busihu bwa kacenu, kuli ato—ato beiwa mazoho, ni tukuluho ya mwa kopano ifiwe ku yena, kuzwa mwa keleke. Mulena, Mata a Hao a matuna a lume mushimani yo kwa sibaka sa lifasi ni kwa pakani ko U ka mu bizeza. Mi aye a yo lamulela batu bani kwa butuku, mi a Ku sebeleze, Mulena, mazazi kaufela a bupilo bwa hae. A Ku mu etelele, mu zamaise. Mi limbuyoti za luna libe ni yena, halunze lu mu luma, ka Libizo la Jesu Kreste. Amen.

Mulimu aku fuyole.

⁵⁷ [Yomuñwi u bulela ni Muzwale Branham—Mu.] Huh? Oh, Ha ni zibi. Lu sweli ku utwahala fa mawaile; ki ma senti a fifite ka muzuzu. Kana kuna ni yomuñwi mo yana bata . . .

Mu tahe kwanu mi mu ba mabizo, ki wena mañi, mizwale, ona mwa maikulofoni ye inzi fahalimu *fa*. Mu ba bulelele fela. [Mañi ni mañi wa mizwale ubulela libizo la hae, “Pat Tyler,” “Claude Boggess,” “Dale Potter,” “. . .? . . .Henasey,” “James Humes,” “Earl Horner.”—Mu.] Kana ki bona ba? [Yomuñwi uli, “Eeni.”] Mizwale yaka.

Baana ba, kana mwa lumela Liñusa le kuba Linzwi la Mulimu la Niti? [Mizwale bali, “Amen.”—Mu.] Kana mwa lumela ka lipilu za mina kaufela? [“Amen.”] Ku lukile. Mi muna ni ciseho, ni sepa haiba lu kona kubeya mazoho fahalimwa mina . . . Lu bata muzibe kuli lu nzi ni mina, mi lu ka eza lika kaufela ze lu kona ku mi tusa.

Mi cwale Ni bata mina mizwale, kuli Ni kone ku ba beya mazoho nina, kuli bakene teni mo cwale. Mi luna kaufela halu inamiseni litoho za luna, hanze lu ba beya mazoho.

Mulimu Yomunde, ki se sikuwata sa baana. Ni beya mazoho aka fa halimwa mutu ni mutu wa bona, ka Libizo la Jesu Kreste, yena Mwana Mulimu. Mi cwale Wena, Ya ba bizize kuli babe bakutazi, kuli ha ba Li kutaze, Mulena, mazazi kaufela a bupilo bwa bona. Mi . . .? . . .bakutaze Evangeli kwa sibupiwa kaufela. Lu fa ku bona tukuluho ya mwa kopano, ni ku lapelela limbuyoti za Hao kuli libe ni bona, Mulena, ha lunze lu ba fuyola, luma limbuyoti zaluna. Mi ha ihasanele kwa pakani kaufela ya lifasi ili ko U ba bizeleze ku ya. Mi ba sebeze ni ku Ku belekela mwa mayemo ao U ba bizeleze kuba ku ona. Ha babe batanga ba Mulimu ba bana ni niti ni ku sepahala. Lumeleza cwalo, Mulena. Mi lwa li kupa ka Libizo la Jesu Kreste.

⁵⁸ Mulimu ami fuyole, ufi kaufela, mizwale. Mulimu aku fuyole. Mulimu aku fuyole, muzwale. Mulimu aku fuyole. Mulimu aku fuyole, Muzwale Humes. Mulena abe ni mina, mutu ni mutu.

U fuyolwe muhala o tamahanya
Lipilu zaluna mwa lilato la Bukreste;
Kopano ya kutwano yende
Ye swana ni ya kwa Lihalimu.

⁵⁹ Kana Ha ki yomunde nji? Munahane fela cwale, ki babakai bakutazi babali teni mwahali mo busihu bwa kacenu baba bata ku beiwa mazoho!

⁶⁰ Ne ni sa zibi kuli ba lu teezea fa mihala ya luwaile. Kambe sicaba kwande kafoo si ni swalela ka zeo; Ne ni sa zibi cwalo. Mwabona? Ne ni sa zibi kuli ne ba ka tamahanya mawaile kwa Liñusa nyana la busihu bwa kacenu. Kono lu ka . . .

⁶¹ Cwale lu ka bala Linzwi ni ku lapela, ni ku kenelela fela kulibana ni Liñusa le Ni ikutwa kuli Moya o Kenile ubata kuli ni tise ku mina busihu bwa kacenu.

⁶² Mi cwale halunze lu apula mwa...kwa kubala, Ni ka i zibahaza cwanoñu fa. Halu apuleñi mwa Numere, kauhanyo ya 22, timana ya 31. Numere 22:31, kwa kubala. Ha munze mu apula, haiba nji mutabela kubala, mu ibale kamba mu i ñole.

⁶³ Ni bata kuli kaufela mina mu ni hupule cwale, kufitela Ni mi bona hape, Na sepa, nako yeñwi mwa mbumbi ye, haiba Mulena a lata. Mi haiba nji sesiñwi si ka ezahala, Haiba ha nina ku ya kwa busé bwa mawate, Ni ka yo kuta. Kono cwale lwa lumela cwalo, ka mo ze li belekezi hamoho, kuli Moya o Kenile uka lu lumela cwale ka nzila Ya iketezi yena Kasibili ku lu lumela yona. Mi yani kona nzila ye lubata kueza ka yona. Mulena a fuyole!

⁶⁴ Ndate, lu sutelezi kubala Linzwi la Hao. U Li fuyole ni ku Li toza kwa kutwisiso ya luna, lwa kupa ka Libizo la Jesu Kreste. Amen.

⁶⁵ Buka ya Numere, kauhanyo ya 22 ni timana ya 31.

Mi MULENA a kwalula meeto a Balami, mi ki ha bona lingeloi la MULENA inge li yemi mwa nzila, ni mukwale wa lona mwa lizoho la lona: mi ki ha inamiseza toho ya hae fasasi, ni kuwa alapami ka pata.

⁶⁶ Cwale, ka kubala se, kuyaha taba ku yona, Ni bata kunga tuto ya kuli: *Kana Mulimu Wa Cincanga Mulelo Wa Hae Ka Linzwi La Hae?*

⁶⁷ Yeo kwateni ki toho ya taba, mi mane ki Niti yetuna yeo lu tokwa ku utwisia. Kana Mulimu wa kona ku bulela sika mi kipeto hape ali, “Ni fosize ha Ni si bulezi”? Kana Mulimu wa kona ku kutisa Linzwi la Hae mwa mulaho, kasamulaho A feza ku Li bulela?

⁶⁸ Cwale, mwa taba ye, libaka le Ni ketezi taba ye, neli kakuli ki yeñwi ya litaba za Bibele zeo mubali, ya lika kubona, kamba kulika ku bulela kuli Mulimu wa cincanga mulelo wa Hae; se si kona kuba inge kuli Na cincize muhupulo wa Hae kufita sibaka sesiñwi kaufela mwa Bibele, se Ni ziba, kakuli Na bulelezi Balami taba yeñwi mi kasamulaho ni ku to mu bulelela taba isili. Mi cwale, batu babañata ba likile kueza Balami sina, oh, mulauli wa litaba kamba yomuñwi. Kono Balami na si mulauli wa litaba. Na li mupolofita wa Mulena.

⁶⁹ Cwale, lu ka nga mwa buino bwa Liñusa, pili. Isilaele nali mwa musipili wa bona kuzwa kwa Pales-...kuya kwa Palestine, ku zwelela mwa Egepita. Mi Mulena nali ni bona, mi ne bali... Sila kaufela se ne si taha fapila Isilaele ne si zwiswa mwa nzila, kakuli Mulimu na bulezi kuli Na ka luma linziye fapila bona mi na ka leleka sila, ibile fela ne ba ka zamaya mwa ku utwela litaelo za Hae. Musebezi ne u si o mutuna hahulu. Ma Amaleke,

manganganalume ba lizazi lani, ne ba si sesiñwi ku Isilaele. Ni ha ne ba li ba libupeho ze nyinyani, kono ne ba zamaya mwa kuli KISONA SA BULELA MULENA. Kacwalo hakuna taba kamba zene lwanisa ne li kaba cwani, Mulimu kamita na bona kuli Manzwi a Hae a sepiso asike ku palelwa Isilaele.

⁷⁰ Mi Isilaele wa Testamente ya Kale ki mufuta wa Munyaliwa wa Testamente ye Nca, ya zwelela mwa—mwa lifasi, u zamaya mwa nzila kuya kwa Kanana, kamba kwa Kanana ko lu libile, yona Mileniamu.

⁷¹ Cwale, cwale, lu lemuha fa kuli Moabi ki mufuta wa keleke. Mi Moabi... Kona hane ba sa zo bulaya fela malena babañwi ni ku lindula sila, ba bulaya lika kamukana, baluwa naha, mi ba zamaya ka Moabi. Cwale, Moabi ne si naha ya si hedeni. Moabi neli naha yene sebeleza Mulimu ya swana yo ne ba sebeleza ma Isilaele. Mi naha ya Moabi ne ikalisizwe sapili ki mwana mushimani wa Lota, ka mwana hae wa musizana. Mi yena, kakuba mukalisi wa naha ye, mi na kopanyize baika ba hae ni babañwi, mi a panga naha yetuna ku yona, mi ba ekezeha ni ku zwelapili.

⁷² Mi, cwale, Isilaele ne li peu ya Abraham, isiñi ya Lota. Isilaele i zwile ku Isaka, Jakobo. Mi Isilaele i zwile mwa masika a lishumi ka amabeli ani a zwa ku Jakobo, ye ne i tilo bizwa “Isilaele,” kasamulaho kakuli na lwanile ni Mulena. Mi Moabi fa...

⁷³ Cwale, mwahali mo, ni mina sicaba kwande fa—fa mawaile, Ni bata ku bulela pili kuli ha Ni—Ni lakazi kuba ya sabisa, mi Ni sepa kuli ha Ni cwalo. Kono, Liñusa le li filwe ku na, Ni lukela kuba ya sepahala kwa Liñusa lani, kusi cwalo Ni kaba muipi. Mwabona? Ha—Ha ni koni ku bulela zeñwi kufita ze Ni lomezwi ku bulela.

Mi Ni—Ni nahana kuli sila sesituna sa sikhata sa Bakreste kacenu ki likeleke za ku ongaonga. Ni lumela ka pilu yaka kaufela kuli mafelelezo si ka panga nombolo ya sibatana, yeo Ni kona, ku nahana Na kona ku nyakisisa seo ka Bibele ni ka tuso ya Mulimu. Ni ezize kale sani. Kuli, li ka pangwa mwa nombolo ya sibatana, mwa kutwano ya likeleke. Kakuli, Mulimu ali kuba, ka nako kaufela, a lemuhe keleke ye ketilwe hande, ku ongaonga keleke, kusamba kuba. A si ka eza cwalo ni Haisali.

Mi nako kaufela yeo mutu akile a panga katengo, Moya wa Mulimu ne uwanga mi ne u si ka kuta hape. Mubuze wa litaba za kale kaufela, kamba mu ipalele mina kasibili. Kusamba kuba! Fani hane ba ikongakonga, Mulimu na ibeyanga fa shelufu, mi fani kona fo ne i iinanga; ne i ineleta, kuzwa fani kuya kwa pata. Ne ba ekezeha mwa buñata, kono isiñi Moya o zusulusa; kwali kuba, ni hanyinyani.

⁷⁴ Moabi, kwanu, ki mufuta o cwalo, kakuli ne ba li naha ye—ye ongaongilwe; mwa naha ha bona luli, sina mwa kopano ya

puteho ya bona. Mi kwani ne ba nani bulapeli bwa bona, mi bulapeli bwa bona ne bu swana ni bo ne ba nani mwa Isilaele. Ne bali ma Moabi mi ne ba lumela ku Jehova Mulimu, kono ne bali sikhata sene si ongaongilwe sa batu.

⁷⁵ Mi, cwale, sina ha ba yemela keleke ya nama, Isilaele u yemela keleke ya moyo ni musipili wa yona. Cwale, Isilaele ne si naha ya ku ongaonga. Haibile fela ne ba latelela Mulimu, ne ba icemela. Ne ba tile, bali bazamai, basina sibaka kwa kuya. Kaufela ko ne kuya Siita sa Mulilo, ne bayo ni Sona. Ne ba si naha ye ongaongilwe. Ne ba nani tamahano mwahala bona, kakuli mupato ne u bafile sani mwatasa taelo ya Mulimu, kono isiñi kopano ya ku ongaonga ka nako ye. Fani hane ba tiloba naha ye ongaongilwe, fani kona fo ne ba wezi ni kuhana Mesia wa bona.

⁷⁶ Mi cwale lu fumana kuli, kamita, fo likeleke za nama ni za moyo ze, mioya ya likeleke ni tutengo, ha likopana, kamita kubanga ndwa. Haku sika pala kuba cwalo. Ki ndwa kamita. Kakuli, lu fumana kuli mwahali mwani kuna ni muuna. Mi mwani, mwa muuna wo, ku tahanga malikanyiso a butu, ku kopisa. Mi lwa li fumana kacenu, sina mone ku bezi nako yani. Mulimu ha ezeza mutu yomuñwi sika, mañi ni mañi uka lika kulikanyisa sina Mulimu mwa ezelize ku mutu yoo. Mwabona, si tisanga kangisano, mi si bupa milelo ya butu fela. Mi haiba ha bakoni, kwa neku leliñwi, ku amuhela linepo za moyo, mi ba ikungela zona ka mata a litaba za lipolitiki, kamba ba ka yolisa sesiñwi, kwa ku filikanya mihipulo ya sicaba, kuli ba hohe balutiwa ku bona bañi.

⁷⁷ Sani ki sona sene si ngile sibaka kwa makalelo; sina Kaine ni Abele, sibeli sa bashimani bani mwa lelfasti. Mi cwale Abele hana file ku Mulimu sitabelo se sinde hahulu ni kufita sa Kaine, ni Mulimu apaka Abele, ka kutaha ku shetumuka ni ku amuhela sitabelo sa hae; ne si tisize muna ku Kaine, kakuli na utwela munyana hae muna, mi a bulaya munyana hae.

⁷⁸ Ne ku kalezi kwa simuluho, ka za nama ni za moyo, ibo Kaine ni Abele ne ba lapela Mulimu ya swana. Sibeli sa bona ne ba yahile tutala totu swana. Mi sibeli sa bona ne ba lapela Mulimu ya swana, kwa keleke ye swana, katala kaka swana. Kono Kaine, ka minahano ya nama, atisa miselo ya mwa naheñi ni ku to i beya fa aletare kuba sitabelo, ka ku nahana kuli kaniti sani ne si ka alaba ku Mulimu ka ku kwahela bumaswe. Konakuli na kenyize mwateri, sina batu mo ba nahaneli kacenu kuli, “ma apule ao ne ba cile bo Adama ni Eva, kona ana tisize sibi.” Mi, seo kaufela, Ni sepa fa mane ba shetumukezi kwa “tolwana” ya minjeke ye miñata mwahali kamba sesiñwi cwale. Babañwi ba kubona ne ba ize kuli, ha ki kale hahulu, neli si sili fela.

⁷⁹ Mi, kono Abele nana ni sitabelo se si lukile. Na zibile kuli neli mali a na ezize sani, kacwalo atisa mwana ngu. Mi cwale Mulimu

ha na amuhezi ya hae, cwale, Abele, ka tumelo, ka sinulo, isiñi ka nzila yeñwi. Ne ku sina Bibele yene ñozwi. Kacwalo, mwa bona, makalelo a kuluka kona Niti ya Mulimu ye patuluzwi, mi Keleke mutumbi ya Mulimu ya pila iyahilwe ona fani.

⁸⁰ Jesu, zazi leliñwi, hana shetumuka kuzwa fa lilundu, ali kwa balutiwa ba Hae, “Kana batu ba li ki na mañi Na nili Mwana mutu?”

“Yomuñwi ali ki Wena ‘Mushe’ mi yomuñwi ali ki Wena ‘Elia’ mi ki Wena ‘Jeremia, kamba alimuñwi wa bapolofita.’”

Ki hali, “Kono mina muli ki Na mañi?”

⁸¹ Kona cwale fani muapostola Pitrosi, ka ku susumezwa ki Mulimu, ku fiwa mata ka Moya, a bulela taba yende yani ya kuli, “Wena u Kreste, Mwana Mulimu ya pila.”

⁸² Mulemuhe mubulelelo wa teni. “Ufuyozwi wena, Simoni, mwana Jonasi, nama ni mali hali si ka patulula se ku wena. Ki Ndate ya kwa Lihalimu ki yena ya ku patululezi seo. Ki wena Simoni. Ku lona licwe le . . .”

Licwe mañi? Cwale, ba Katolika bali, “Ki Pitrosi, ki yena licwe, licwe leli nyinyani.” Mi Baipanguli bali, “Ki Kreste, ki yena Licwe.”

Isiñi kuba ya shutana; kono neli fa halimwa sinulo yeo Pitrosi nana ni, Yo Na li yena. “Hakuna mutu yakona ku taha ku Na,” Jesu abulela, “konji kuli Ndate Yena luli a mu bize. Mi be Ndate a Ni file kaufela ba ka taha ku Na.”

“Ki wena Kreste, Mwana Mulimu ya pila.”

⁸³ “Ufuyozwi wena, Simoni, mwana Jonasi; nama ni mali ha si ka ku patululela seo, kono ki Ndate Yena luli ya mwa Lihalimu. Ku lona licwe le Ni ka yaha Keleke ya Ka, mi minyako ya lihele haina ku ikona.” Linzwi la Mulimu leli patuluhile ka Moya!

⁸⁴ Mulemuhe, Abele, ka tumelo ku Mulimu, na file sitabelo se sinde hahulu ni kufita. Mi mulumeli wa ngana ya nama uhupula kuli neli misebezi ya mazoho a hae, kuli, ka miselo ya hae ni sitabelo se sinde sana file, kuli Mulimu na ka si talima, mi si tisize lifapahano.

Lu fumana kuli Abrahama ni Lota ne ba fapahani.

⁸⁵ Lu fumana kuli Mushe ni—ni Datani, Kora, ne ba nani lifapahano ze swana.

Mushe, ka kuba mupolofita yana tomilwe ka Linzwi la Mulena, na pakilwe kuli ki ya ketilwe kuba muzamaisi wa nako yani, ni kuli Abrahama na sepisize lika ze kaufela, mi fa Mushe ona cwalo sana bulezi Mulimu kuli si be cwalo, mi si ezahala.

Mi Kora, kakuba wa ngana ya nama, na bata kutisa katengo mwahala bona. Na bata kupanga sikwata sa baana. Mi Mulimu u tamahananga ni batu ona cwalo. Kwa bonahala ona fani, mwa Mañolo, mufuta wa musipili wa kacenu, katengo kani ha

kona za tomile Mulimu. Kakuli, ona fani fela Kora hana ezize sani, a bulelela Mushe kuli, "U i kutwisisa hahulu." Ka manzwi amaňwi, "Kopano kaufela i kenile! Kiňi, u bulela kuli ki wena fela muuna ya kenile. Ha una tukelo ya kueza sika se si cwalo. Ulika kuikeza kuba mutu yomutuna. Lu kenile. Luna kaufela lu bana ba Mulimu."

⁸⁶ Mi Mushe a sikulula fela toho ya hae ni ku ikela. Ki hali, "Mulena, ki sikamaňi se Ni ka eza?"

⁸⁷ Mulimu ali, "Ikauhanye ku yena. Ni bile ni zeňata cwale ku likani." Mi ki Ha mu miza mwa lifasi.

⁸⁸ Mwabona, neku na ni lifapahano. Mi za nama ni za moyha li kopana, kubanga lifapahano kamita. Fani Judasi ni Jesu hane ba kopani, neku na ni lifapahano; Yomuňwi, neli Mwana Mulimu; mi yomuňwi, neli mwana Satani. Kuswana fela sina Kaine ni Abele, neku na ni lifapahano hane ba kopani. Yomuňwi wa bona neli mubuluki wa sikkama sa keleke, mi Yomuňwi neli mulisana. Mi sina cwale, lutile mwa lizazi le, kwa sika se si swana hape. Kopano ya ku ongaonga ya nama ku Munyaliwa wa moyha wa Kreste. Munyaliwa wa moyha wa Kreste ki ya shutana hahulu ni likopano za ngana ya nama, kufitela kutokwa ni kuswana mwahala zona ni hanyinyani.

⁸⁹ Cwale mulemuhe, za nama kamita li lika ku swanisisanga za moyha. Kono, sina ku Jakobo ni Isau, hakuna ku beleka. Ne ku palile ku beleka. Cwale, ha kutaha ku za kueza misebezi ye minde, Ni—Ni lumela kuli Isau neli muuna yomunde kufita Jakobo, ka kutalima kwa batu. Na lika ku ba balela ndatahe; ya nali sibofu, mupolofita. Ni lika ze kaufela za na likile kueza, kono Isau na si ka nahana za kuba ya fela wa nama lika beleka. Na hopula kuli na ka kena ka sa na ezize, ku ezeza sika mutu yomuňwi, ze neli zende. Kono Jakobo, moyo wa hae kaufela neli ku ba ni tukelo ya sipepo yani, mi sani kona sana lemuhele Mulimu ku yena kuba sa moyha.

⁹⁰ Mulemuhe, mi kamita za nama libile li toya za moyha. Ne si tisize kuli Kaine atoye Abele. Ne si tisize Kora ku toya Mushe. Ne si tisize Judasi ku toya Jesu. Mi ona cwalo cwalo za zwelapili. Li tisanga kuli za nama li toye za moyha, sina fela Kaine kwa simulhu mwa na toezi Abele, yena yo Mulimu na amuhezi sitabelo ku yena, mi alika ku mu bulaya.

Mane ni bona balika ku sinyanga kabubo. Balika ku sinyanga lika kaufela, kakuli ha ki taba isili kono ki muna. Ne ikalezi ku Kaine mi ipakiwa kuli neli muna, mi isali aba ye swana ni kacenu fo za nama (ngana ya nama) ni ya moyha ha likopano hamoho. Li bonisa kuli ki Satani, hakuna mukwa usili hape, kakuli muna u zwelela ku Satani. Mi kipeto utisa malikanyiso a Niti, yomuňwi ya lika kulikanyisa sika seo asi sona, sa si ka lukisezwu kuli a si eze. Ki ze kai ze cwalo ze lu boni mwa mazazi a maungulo a! Oh, mawi, ki zeňata cwani!

⁹¹ Kacwalo lu bona Mulimu aeza ka... kusa cinca muhupulo wa Hae kamita ka Linzwi la Hae la makalelo. Kono, yena yo Aka biza, ki yena yo Aka tamahanya. Hakuna usili ya kona kunga sibaka sani. Nekusina mutu usili yana kona kunga sibaka sa Mushe. Hakuna taba kamba neli bo Kora babakai bene ba ka taha, ni buñata bwa bo Datani; neli Mushe, yo Mulimu na bizize, kupale kumane.

⁹² Kono, haiba nji batu habana ku zamaya mwa tato ya Hae ye petehile, Una ni tato ya kapelezo yona Yaka mi tuhela kuli muye ka yona. Mulemuhe, Wa i lumeleza, ku likani, kono Uka itisa kuli ibeleke hande kwa kanya ya Hae, mwa tato ya Hae ye petehile. Cwale haiba mu ka tabela...

⁹³ Kuswana fela, sina kwa simuluho, ne si tato ye petehile ya Mulimu kuli bana ba pepwange mwa lifasi ka kusomana. Batili, sha. Mulimu na bupile mutu ku zwa mwa liluli la lifasi, a bululela moyo wa bupilo ku yena, mi aba moyo o pila. A zwisa ku mutu yani mutusi, mi a panga musali ku yena. Yani neli tato ya Mulimu mi ili ya makalelo. Kono cwale sibi hane si keni mwateni ni ku to eza ze ne si petile, kona A to lumeleza muuna ku nyala musali, ka mulao, ni ku pepa bana ka yena. "Muate ni kutaza lifasi, cwale, haiba yeo kona nzila ye mu ka eza ka yona." Kono, mwa bona, yani ne si tato ya Hae ye petehile.

⁹⁴ Kabakaleo, lika ze kamukana zene na ni makalelo lina ni kuba ni mafelelezo. Sibi kaufela si na ni ku to foliswa kuyundelela. Sibi kaufela sina ni kufeliswa. Kabakaleo, mwa puso tuna ya Mileniamu ko ku ka taha zuho, haluna kuba ni kupepwa hape ku bo ndate ni boma, kono Mulimu sina mwa Na ezelize kwa simuluho uka biza muuna kuzwa mwa liluli la lifasi, ni mutusi wa hae hamoho cwalo. Yani ki niti. Yani kona nzila ya Na ezize ka yona kwa simuluho.

⁹⁵ Kacwalo he, Mulimu ha cincangi mulelo wa Hae ka sika kaufela, kono U ka ku tuhelela kuli u ye mutende. Cwale, ye ki taba yetelele hahulu kuli Ni fite ku se ni bata ku bulela ka sona. Kono, mi, kono, ki, mu ka... Ni bata kuli mu utwisise. Mwabona? Mulimu wa kona kuku tuhelela kuli ueze taba yeñwi, mi mane mwendi ni kuku fuyola ka ku i eza, kono niteñi ha ki tato ya Hae ye petehile.

⁹⁶ Mulimu na lumelelize Isilaele kuba ni mulao, mwa Exoda kauhanyo ya 19. Kanti muhau no bafile kale mupolofita, Siita sa Mulilo, ngunyana ya sitabelo, mata a kuba lamulela, kono ne ba lilela Mulao. Ne si tato ya Mulimu, kono ne ihapelelizwe mwateni kakuli mutu na bata cwalo. Mi ki ha kutiwa ka mulao o swana wa na bata.

⁹⁷ Ki hande luli kuba ni tato ya Mulimu. Sani kona Sa lu lutile. "Ku ezwe tato ya Hao. Kutahe Mubuso wa Hao. Tao ya Hao iezahale." Lu swanelia ku ipeya kwa tato ya Hae ni Linzwi la Hae. Musike mwa Li buzaka lipuzo. Mu Li lumele. Musike mwa

lika ku fumana nzila ya ku Li kekuluhha. Mu Linge fela ona cwalo mo Li inezi.

Ki babañata baba tabela ku kekuluhha, kuya ka nzila yeñwi. Mi ha mueza cwalo, mu ka ipumana kuli mu ka zamaya mufumbo, muka fumana kuli Mulimu wa mi fuyola, kono mu sebeza mwa tato ya Hae ya ku hapeleza lika mi isiñi mwa tato ya Hae ye petehile, tato ya Bumulimu.

⁹⁸ Uka i lumeleza, sina ha Ni bulezi, kono Ha na ku—Ha na ku tuhela kuli ibe tato ya Hae ye petehile; kono Uka i tuhela kuli ibeleke kwa likute ni ku fuyola tato ya Hae ye petehile. Mi kupepa bana, ka kusomana, ki iliñwi ya zona.

⁹⁹ Cwale mulemuhe, Moabi, ka kukala, neli naha ya mwa bunyazi. Kona mo ne i kalezi, ya bunyazi, kono kanti ili ka—ka ndate wa mulumeli ni mwana musizana wa mulumeli.

Ona cwalo luli, haiba muka swanisisa sani ni ku itusisa munahano wa moya, mwa kona kubona kopano ya kuongonga yani inge iyemi fani ye iponahaza hande sina sika kaufela. Luli. Mwabona, taba yateni kaufela i fosahalile. Mi, mutualime, hane i tisizwe, ne i kalile ona cwalo, haikoni kuli... Ya buluka, sina sikoto sa litwa, sizwela fela pili ku pikuluha ka lubilo ka lubilo ka lubilo. Musa ba fela ni mafosisa alimañwi, ni kukala ka mafosisa ona ani, mukana mu zwelapili ku kambeka taba ye ku yeñwi, ni yeñwi fahalimwa yeñwi, kaufela zona mane libe liswane ni zeñwi.

¹⁰⁰ Mi ona cwalo kona mo ne i kalezi keleke. Cwalo kona mo i kalezi kwa Nicaea, Rome, fani keleke ya Katolika ya si Roma.... Ona kwa makalelo luli, kone izwelezi, neli Pentekota. Kono hane ba ikongile ni kutisa baika mwateni, kuba kenya mwa keleke, bakala ku ikezeza, kuba ni litapelo, ni kupeta lifaha, ni—ni ku lapelela bafu, ni lika zeñwi ze. Mi kipeto se likala kutaha ona cwalo, kuzwa fa mafosisa alimañwi kuya ku amañwi, mafosisa alimañwi ku amañwi, kufitela mutualime cwale ko se si fitile. Hakusana ponahazo ye paka pentekota ku yona, ni hanyinyani. Mwabona? Ki mafosisa alimañwi a nza nopana ni amañwi, ku nopana ni amañwi. Kuna ni fela taba iliñwi ya kueza, yani ki kuli, mutakule litaba za kale mi mu kutele kwa simuluho.

¹⁰¹ Fani, Martin Luther hana kalile ka kuluka. Ye ne i lukela kuba ye ekezehile hahulu, yona keleke ya Lutheran. Mwabona? Kambe... Luther, fani ha na tilo ongaonga, na si ka nga ku keniswa kwa Wesley, kakuli na i kopanyize; mi batu ne ba si ka li yemela, kacwalo Moya wa ikela.

¹⁰² Cwale, sikuwata sa Lota fa; kamba, Moabi neli mwana mwana wa musizana wa Lota, wa bunyazi ka kukala. Cwale mulemuhe, sina keleke ya nama, Moabi, u yemela kopano ya nama.

Isilaele uyemela Keleke ya moya. Isilaele, yani neli keleke ya niti, neli yena munyaliwa wa lizazi lani, yana bizizwe kuzwa mwa Egepita, ni ku pakiwa kuba niti.

¹⁰³ Mulemuhe fani kuli, bababeli bani hane batile hamoho. Sibeli sa bona ne ba file sitabelo se si swana, sibeli sa bona ne ba yahile, ne ba boni li aletare, sibeli sa bona ne ba file sitabelo se si kenile, namani. Mi mane ne ba file litotolo, ku paka kuli neku na ni Mesia ya na taha. Ka litaba za makalelo, sibeli sa bona ne bali ka kuswana. Isilaele, mwa musindi wo; Moabi, inzali fahalimwa lilundu. Mi Moabi ni li aletare ze sebene; Isilaele ni li aletare ze sebene. Moabi ni likomu ze sebene; Isilaele ni likomu ze sebene. Moabi ni litotolo ze sebene, kuambola ka Mesia yana taha; Isilaele ni litotolo ze sebene.

Ki sikamañi sene si shutana mwahala zona? Za makalelo, sibeli sa bona ne ba lukisize. Kono, mwa bona, Moabi na sina bupaki bwa Mulimu ku yena; nebali fela naaha, sikuwata sa baika fela ba matanya. Kono Isilaele nana ni mupolofita mwahala bona. Neba nani Licwe le li natilwe mwahala bona. Neba nani Siita sa Mulilo. Neba nani noha ya kopa, ya foliso. Neba nani limbuyoti za Mulimu ze ne zamaya mwahala bona, mi ne bali bana baba bizizwe ki Mulimu.

¹⁰⁴ Cwale lu fumana ona cwalo kuli likeleke za kacenu liswanisiswa kwa buino bwani. Sina, Moabi hana si cwalo. Isilaele nali muzamai, kuzwa mwa sibaka se kuya mwa sibaka sesiñwi; kaufela ko ne kuya Siita sa Mulilo sani, ne ba zamaile ni Sona. Moabi, isiñi cwalo; ne ba itulezi mwa kopano ya bona, mwani mwa naaha ya bona bañi. Neba si ka shenya, ne ba itulezi ona mwani. Neba na ni baika ba matanya mwahala bona. Neba tomile lika mo ne ba lukela ku ezeza, mi ne ba nani lindwalume za bona, ne ba nani balwani ba bona, ne ba ni mulena wa bona yene ba nani, kone ba amuhelanga litaelo za bona, ni zeñwi cwalo.

¹⁰⁵ Kono Moabi na boni Isilaele kuba ni sika sana sina yena. Ne ba boni mata amatuna mwahala Isilaele, mi neli mupolofita. Mi mupolofita yani neli Mushe. Mi ne ba ziba kuli ndwa hane ifosahala, ne ba nanulanga fela mazoho a hae mwa halimu, mi ni ndwa ya cinca. Kacwalo bona ne ba sina ze cwalo zani, mi ki ha balika ku likanyisa ka lipolitiki, ka mata a litaba za naaha. Ki ha ba lumela kwa naaha yeñwi mi ba ikupela mupolofita kuli a tahe, kuli babe ni mupolofita, ni kuli babe ni mata mwahala bona sina fela Isilaele mwa na inezi mwahala bona.

¹⁰⁶ Kana mwa bona malikanyiso a ngana ya nama nji? Kana mu iboni keleke ya ngana ya nama kacenu? I ezize taba yeswana.

¹⁰⁷ Mulemuhe, cwale, sibeli sa bona se ba bile ni bapolofita. Shutano fela neli kuli, Mushe, yena mupolofita wa Mulimu, Mulena hae neli Mulimu. Kwani kona kwa na zusa litaelo za hae, ona Linzwi la Mulena. Mi Balami, ni yena hape, nana ni mulena, mi mulena yani neli Balaki, yena mulena wa Moabi, mi kwani kona kwa na zusa litaelo za hae ni limbuyoti. Kacwalo Moabi ali ku Balaki, “U shetumukele kwanu,” kamba Balami,

ali, "shetumukela kwanu u to ni kutela sicaba se, kakuli si yambalakani lifasi kaufela. Baka to lwaza fela lika kaufela sina komu ye fula bucwani." Ali, "U shetumukele kwanu cwale. Mi Ni ziba kuli wa kona kukuta luli, wa kona ku fuyola, kaufela so eza sina ni ku iponahaza."

¹⁰⁸ Cwale, lu bata ku lemuha kuli muuna yo neli mupolofita ya ketilwe ki Mulimu, kono na lekisize tukelo ya hape ya sipepo bakeñisa libaka za litaba za naha. Kuswana fela sina keleke kacenu, sina Luther, Wesley, Pentekota, ni sikhwata sa bona kaufela, mo si itekiselize ka mata a katengo ka sona. Mushe, mwatasa Mulimu; Balami, mwatasa Balaki. Ibo, bapolofita bababeli cwalo bani ne ba bizizwe ki Mulimu, mi sibeli sa bona neli ba moyo. Mulemuhe shutano. Mañi ni mañi nana ni toho; ya Mushe neli Mulimu; ya Balami neli Balaki.

¹⁰⁹ Mulemuhe fa cwale ka mo za moyo li zamaisezwa, ili ku bonisa kuli za nama li fosahalile. Mushe, na lumilwe ki Mulimu, mwa sibaka sa musebezi, u kopana ni ku swabiswa ki yomuñwi mupolofita wa Mulimu. Ki fo mu nahane seo! Mushe, ya na bizizwe ki Mulimu, ku ketwa ki Mulimu, inza yemi fa musebezi wa Mulimu; azamaya mwahala sikhwata sani, se sibata sa sihalihali, mi a swabiswa ki yomuñwi mupolofita wa Mulimu, sana fuyozi Mulimu ni ku keta. Ne mu ka ziba cwani shutano? Sibeli sa bona ne ba nani bapolofita. Mulimu na ambolanga kwa bapolofita bababeli bani.

¹¹⁰ Mi babañwi ba kubona bali, "Mulimu ubulezi kuli, 'Ueze *cwana*.' Mulimu ubulezi kuli, 'Ueze *sani*.'" Cwale, Ha ni na puzo ku sani, kono si zwile mwa nzila ya Linzwi la Mulimu. Mupolofita, hakuna taba kamba ki mupolofita, u zwile mwa nzila. Kacwalo batu babañata kona mo ba pumelwa ona cwalo. "Oh, muzwale *yo* wa kona kueza *cwana*, ni muzwale *yo* wa kona kueza *sani*," mi a latule Linzwi?

¹¹¹ "Ni ha Ni ka bulela ka lipuo za batu ni mangeloi, ni ha Ni na ni limpo, kuli Ni kona ku shimbulula malundu, ni ha Ni kafana liliwo la ka kaufela kufepa babotana, ha Ni sesiñwi niteñi."

"Babañata baka taha ku Na mwa lizazi lani, mi ba kali, 'Mulena, Mulena, kana Ne ni si ka polofita ka Libizo la Hao?' Kana ne si, ka Libizo la Hao, Ni lelekile mioya ye maswe ni kueza misebezi ye mituna?" Mi Ni ka li ku bona, 'Amuzwe ku, mina... Amuzwe ku Na, mina ba ezi ba ze maswe. Nali kuba ni mi zibe.'" Kanti, baka taha ni buipuleli bwa kuli ba ezize cwalo, kono Jesu naize, "Nebali ba ezi ba ze maswe." Bumaswe ki sikhamañi? Ki sika so ziba kuli ulukela ku si eza, se si lukela kuezwa ka swanelo, mi kanti ha u ezi cwalo. Mwabona se si ka ezahala mwa lizazi la mafelelezo?

¹¹² Muteeleze taba yateni kaufela! Wani neli ona mulelo waka busihu bwa kacenu. Ne ni bulezi kuli Ni ka zwa ka naini kiloko, kono Ni ka zwa nako nyana kasamulaho, mwendi. Mutualime,

wani neli ona mulelo waka ka kutala, ku mi bonisa buino bo, ka Linzwi la Mulimu, mwabona, kuli—kuli Mulimu una ni kubuluka Linzwi la Hae fakuli abe Mulimu.

¹¹³ Cwale, lu lemuha kuli sibeli sa bona ba neli baana ba moyo, sibeli sa bona neli bapolofita, sibeli sa bona ne ba bizizwe. Mi Mushe, ona mwahala musebezi wa hae, ni Siita sa Mulilo o munca fapila hae zazi ni zazi, ni Moya wa Mulimu fa halimwa hae, mwa sibaka sa musebezi. Ki ha kutaha mutanga Mulimu yomuñwi, ya bizizwe ki Mulimu, ya ketilwe ki Mulimu, mupolofita yo Linzwi la Mulimu li tahanga ku yena. Ki wo mufunda wa kozi. Neku sina mutu yana kona ku kananisa muuna yani kuli ne si wa Mulimu—wa Mulimu, kakuli Bibele i bulezi kuli Moya wa Mulimu no ambolanga ku yena, mi nali mupolofita. Kono, mwa bona, fani hana amuhezi kalabo ya niti kuzwa ku Mulimu, na si ka I buluka. Na si ka I lemuha, mi ki ha yo swabisa Mushe.

¹¹⁴ Cwale, Balami na batile tato ya Mulimu, ka pilu ya hae kaufela. Cwale, fani baana babatuna ba hane ba tilo bulela kuli, “Balami! Balaki mulena u lumile, kuli u zwele ku yena kapili mi u kute sicaba sa Isilaele, kakuli ba hasanezi mwa libaka kaufela za lifasi, mi cwale ba sweli ba ni potolohile. Mi ba lwazize mubuso kaufela oli bukaufi, mwataswa bona. Mi cwale lu bata kuli utahe u to lu kutela sicaba se. Kakuli, Ni ziba kuli wena u sa kuta mutu ufi ka ba ufi, yo kipeto ukutilwe.” Cwale, mwa bona, nali muuna wa Mulimu. “So fuyola wena, si fuyozwi.” Na li mutanga Mulimu.

¹¹⁵ Mi Balami cwale ahupula, kakuba mupolofita, “Kuna ni fela nto iliñwi ku na ye ni lukela kueza, mi yani ki ku bata tato ya Mulimu.”

¹¹⁶ Wani kona musebezi wa mupolofita, haiba nji ubizizwe kuba mupolofita. Pili, ki sikamañi sa lukela mupolofita? Ki kubata tato, ili Linzwi la Mulimu. U swanezi kueza ona cwalo. Kakuli, kakuba mupolofita, Linzwi la Mulimu li tahanga ku yena. Mi . . . Ba li, “Kihande, wena ha u muituti wa za bulapeli.” Hakuna fo Bibele i bulezi kuli Linzwi la Mulimu likile la taha ku muituti wa za bulapeli. Bani ki bona baba Li lynganisanga. Linzwi li tahanga ku mupolofita wa Mulimu.

¹¹⁷ Mi fa ne kuna ni muuna yana li mupolofita wa Mulimu. Mi cwale hana bizizwe, ku biziwa ka mali, kuli atahe ku to kuta sicaba sesiñwi sa Mulimu, mulemuhe, na ilo bata tato ya Mulimu. Mi na bata kuziba tato ya Hae ye petehile, ni Mulimu a mu fa tato ya Hae ye petehile mwa taba yani. Tato ya Hae ye petehile ne i filwe ku yena. Tato ya Hae neli ifi? “Usike wa ya!” Lani kona Linzwi la Mulimu la pili. “U sike wa ya ni bona. U sike wa lika ku lwanisa sicaba sa Ka, ku zamaya mwa linzila za Ka ze petehile.”

¹¹⁸ Kamo li inezi zani kacenu, kubata ku kanana, ku kangisana, ni lika zeñwi kaufela, haba bona Moya wa Mulimu unzo beleka mwahala mina. Mi ba sweli kulika, ba likile cwalo mwahala lilimo, ku ba Li waba-wabise. Kono ka butuna mo ba likela ku Li waba-wabiswa, kona mo Li huhela. Ha u koni ku kuta sa fuyozi Mulimu. Ha ku konahali fela. Ha u koni fela kueza sani.

¹¹⁹ Kawalo, mwa bona, sani neli sicaba sa Mulimu. Cwale, mupolofita yani, ni ha nali kwani mi a bizizwe ki mulena, inza beleka mwahala baika ba matanya, ni zeñwi cwalo. Mi Linzwi la Mulimu la taha ku yena. A bata tato ya Mulimu, mi tato ya Mulimu ya ambola ku yena, ni kuli, “Usike wa kuta sicaba se. Ni ba fuyozi.”

¹²⁰ Cwale hakuna muituti wa za bulapeli mwa mbyumbyulu ya kona ku latula Liñusa le lu kutaza le, kiñi Li zamaeleta hande ni Linzwi la Mulimu ka nako yateni. Mulimu una ni ku lipaka, mwa lika kaufela ze bulezwi ni ku ezahala. U pakile kuli ki Li lukile. Cwale, hakuna muituti wa za bulapeli, hakuna mubali wa Bibele, hakuna mupolofita, ya kona ku talima mwa Linzwi lani, haiba nji ki mupolofita, u ka bona sika se si swana. Kono haiba nji ha boni taba ye swana, sani si bonisa kuli kuna ni sesi fosahalile. Kakuli . . .

¹²¹ Mu li, “Kihande, oh, Ne ni ka linga ka kushutana.” Kona mwa na ezelize ni Balaki, Balami. Mwabona? Kono Mulimu na paka Mushe.

Mi cwale ponahazo ne li ifi? Linzwi la Mulimu. Mi na utwile ka swanelo, buiketelo bo bu kenile bwa Mulimu, “U sike wa ya. Usike wa lika ku-ku kuta se Ni fuyozi. Sani ki sicaba sa Ka.”

Kono kana mwa ziba kuli kiñi? Balaam na sa lati batu bani, ka kukala. Oh, ha ki . . . Kuna ni bo Balami babakai mwa lifasi kacenu! Na sa lati sikuwata sani, ka kukala.

¹²² Cwale, kasamulaho amana ku utwa buiketelo bo bu kenile bwa Mulimu, “Usike wa ya.” Kono, mwa bona, mwa sibaka sa kueza sani, neli nto yeswana sina Kaine, sina Kora, nana ni muna, mi na—na bata kuli, ni libaka la kuya, ni hakuli cwalo.

¹²³ Mulemuhe, nkambe yetuna ya kopano ya hae, kasamulaho amano lumela kwani, ali, “Batili, ha ni sepi kuli Na ya kwateni. Hani sepi kuli Ni kaba ni sa kueza ka bona. Hanina ku kananisana ni bona batu bani, kakuli Mulimu u ni bulelezi kuli ki sicaba sa Hae, mi ha Ni sepi kuli Ni ka ya.” Kambe na ka ina ni sona sani!

Kono, mwahala pilu ya hae, na sa ba lati. Mwabona? Ne ba si ba sikuwata sa hae. Mi sika kaufela se ne si siyo mwa sikuwata sa hae, “ne isika luka, ka kukala.” Mwabona? Mi aba talima, ni kuli, “Kuna ni lika zemaswe ze ba ezize batu bani. Kaniti Mulimu ya kenile na ka kuta sicaba se si cwalo sani. Bani ki, ki litimbi. Haba si ka tutu sina luna. Luna lu sicaba se si butali. Oh, ba papata ku sebeleza Mulimu, kono, mu ba talime, ki likamañi sani? Ki

sikwata sa, kiñi, ki sikwata sa batanga, bafolomi ba sitina, ba ba lelekilwe ki Maegepita kватаси kwani. Kiñi, Mulimu na si ke kuba ni sa kueza kwa sikwata sa masila sina sani!"

¹²⁴ Na palezwi ku bona Licwe leli natilwe lani hamoho cwalo ni yona noha ya kopa yani, ona Siita sa Mulilo sani. Na lika ku ba atula ka mayemo a kuikuteka. Na palezwi kubona pizo yetuna ya Mulimu. Ka muhau, ka kuketa, nebali mwa musebezi wani, ni ka Linzwi la Mulimu. Mi hana bata ku ba kuta, Mulimu ali, "Usike wa eza cwalo. Ki ba Ka. U ba tuhele. Usike wa ba swala."

¹²⁵ Cwale, kacwalo muuna yani aikela, akuta. Cwale mu talime nkambe ya kopano ya habo, ni yona, fani hana kutile. Ne ba lumile sikwata se si na ni mata hahulu. Nako ye ne ba lukela kuba babañwi, kufita kuba fela mutu ya sina mayemo hande, ne i lukela kuba baituti ba bulapeli bene ba tile ka nako ye. Mwendi nebali ma mbishopu, kamba mwendi baokameli ba liputeho za bulumeli, kakuli kaufela . . . Na lumile sikwata se—se—se sinde, mi ni—ni sikwata se si mata hahulu, mutu yana na ni tuto yende nyana mi ki yana kona ku toma mulelo hande wa ku yena, yana kona ku eza lika ku utwahala.

¹²⁶ Mwabona, sani kona sa na ezize Kaine; na kakanyize. Sani kona sa na ezize Kora; na kakanyize. Ha ki ku ya kakanya.

"Lu hanyeze ku kakanya." Lu lumele Mulimu, hakuna taba kamba sika kaufela si bulela cwani. Lu lumele Mulimu. Halu kakanyi ka sa bulela Mulimu. Ha mu koni ku kakanya ka Sona. Mu lukela ku Si amuhela ka tumelo. Mi sika kaufela se mu ziba, ha mu lukeli lu si kakanya ni hanyinyani. Hani zibi mwa ka si ezeza Yena; Ni lumela kuli U ka si eza. Na ha ni zibi mo Aka bulukela sepiso yani; kono Na bulezi kuli U ka eza ona cwalo. Na lumela cwalo. Na si amuhela ka mayemo a kuli Ni lumela Linzwi la Mulimu.

Mu li, "Kihande, hamukoni kuya mufumbo ka zani." Hani zibi mo Ni kona kuyela mufumbo ka zona, kono Na ize kuli, "Ubulele cwalo."

Na hupula mulisana waka wa Baptist na ki le a ni bulelela, kuli, "Kiñi, Billy, u ka kutazanga kwa misumo mwa keleke. Kiñi, unahana kuli mutu wa kona ku teezeza lika ze cwalo nji?"

Se nili, "Mulimu u bulezi cwalo."

"Kana uka kona cwani, ka sitopa sa tuto ya bu sebene, ku lapelela malena, ni ku kutaza kupotoloha lifasi?"

¹²⁷ Se nili, "Hani zibi mo Ni ka ezeza, kono, U bulezi cwalo, mi zani fela za ni likana." Mwabona? "Yena ubulezi ona cwalo. Hani zibi mo si ka ezahalela."

Ki hali, "Kana unahana kuli sicaba mwa butuna bo, lifasi leli itutile lo ka yema fapila lona ni ku li lwanisa, fa tuto ye ya foliso ya Bumulimu ni zeñwi cwalo, kikuli u nahana kuli ba ka lumela zeo?"

¹²⁸ Se nili, “Ha ki musebezi wa ka kuziba kamba ba ka Li lumela kamba nee.” Se nili, “Musebezi wa ka ki ku Li kutaza. Sani kona Sa ni bulelezi. Na bulezi kuli U kaba ni na, mi U ni bulelezi seo ne li ka eza.”

Mi ku ezahalile ona cwalo ka Sa na bulezi kuli si ka eza. “Pili, uka swala mazoho a bona; mi ku ka ezahala kuli uka ziba mane ni zona likunutu za lipilu za bona.” Mi Ni mi bulelezi ka zona, mi ku ezahalile ona cwalo. Kana u li ezanga cwani? Na hani zibi mo li ezezwanga. Ha ki musebezi wa ka kuziba ka mo li ezezwia; lina ni ku ezahala fela.

¹²⁹ Ki mañi ya kona ku toloka fani Mulimu hana bulelezi Elia, “Zamaya kwani mi u yo ina fa lilundu, mi Ni ka kufepa. Ni se ni laezi ma—ma mañwalala aka kufepa”? Kana liñwalala ne li ka kona cwani ku fumana siemba sa sinkwa ni siemba—sa siemba sa tapi, ye besizwe, ni ku itisa ku mupolofita? Sani si fitelela sika kamukana se Ni kona ku toloka. Hani sepi mane haiba nji ni mina mwa mukona, kamba mutu yomuñwi kaufela. Kono Yena na ezize cwalo. Sani kona se ne si swanela. Na ezize ona cwalo, mi yani kona niti ya teni.

Ka mwa Na ezelize, Hani zibi; haki musebezi wa ka. Kono Ha ezize sani. Ka mwa Na bupezi lifasi, Na hani zibi; kono Na ezize ona cwalo. Ka mwa Na lumezi Mwana Hae, Ha ni zibi; kono Na ezize ona cwalo. Ka mwa Na zuhezi kwa bafu, Ha ni zibi; kono Na ezize. Kana Na ni pilisize cwani? Ha ni zibi; kono Na li ezize. Yani ki niti. Kana Na mi pilisize cwani? Ha ni komi ku mi bulelela; kono Na ezize ona cwalo. Kana Na ni folisize cwani? Hani zibi; kono Na ezize. Na sepisize kuli Uka li eza, mi Wa buluka Linzwi la Hae.

Cwale, Balami na lukela kuziba cwalo, mi na zibile hande.

¹³⁰ Mulemuhe, se hande, sikwata se si mata, taha, mi ki sikamañi se sinde? Neba na ni limpo zende. Mi ha ki sani fela, ne ba ka mufa masheleñi amañata, mi ne ba kona cwalo, ne ba mufile sibaka sesinde. “Cwale, kwanda kuba fela mukutazi wa kamita mwa kopano, luka kueza kuba mutoneli yomutuna wa sikiliti. Mwabona? Kuli, luka—luka ku ezeza sika sesiñwi haiba uka matisa fela sikwata sa batu bani kuzwa mwani, mwabona, ni ku tuhelisa zani.” Oh, ne ba mu file sibaka se situna. Bali, “Ona mo uka fuyolela ka butuna . . .” Bali, “Wa ziba, Na kona kuku polomota.” Mutualime kwa zusa manzwi a hae, kwa toho ya naaha.

¹³¹ Kana Mushe yena na zusa kai Manzwi a hae? Ku Mulena wa Lihalimu. Leliñwi neli Linzwi la sepiso ya Mulimu, “Ni ka miisa kwa naaha ya sepiso, mi hakuna mutu ya ka yema fa pila mina. Ni ka mi lumela linziye fapila mina ni ku li lelekela kwahule, kuzwa kwa silyo kuya kwa nzohoto. Mi mu ka hapa naaha. Ni sepi—. Ni se ni mi file yona kale. Muzwelepili cwalo, mu ikungele yona, a mu iluwe; ki ya mina.” Mi cwale, mwabona, yani ki Yena yo Mushe na teeleza ku teñi. Mi muuna yo na teeleza kuli mane konji

sesiñwi ha ne si tilo kena mwa pilu ya hae kuli aba ni muna ka sona, mi kacwalo aya kwa toho ya hae ya za bulapeli. Mwabona?

¹³² Mulemuhe, sibaka sesinde. Na ize kuli, “Wa ziba kuli Na kona kuku polomota wena? Ni ka ku polomota kuba fa situlo sesinde. Ni ka ku ezeza zeñata. Ni ka pahamisa lituwelo za hao. Ni ka kufa kuholanga kapene kaka cimbukile nyana.” Mi cwale hana sa mufile lika ze kaufela, za to mu foufaza.

¹³³ Ki babakai bo Balami babali teni mwa lifasi kacenu, kuli, ka sibaka sesinde, keleke yende, sepiso ya sesiñwi! Mi mutu ha sa kwaluhile meeto a hae kwa Linzwi ni kwa misebezi ya Mulimu... Mi muuna yomunde yani, yana ni susumezo, uka kala ka kuba mutang'a Mulimu, mi una ni kopano yetuna. Kasamulaho nyana, kolobezo ya Moya o Kenile ya tiswa ku yena; kolobezo ya Libizo la Jesu ya tiswa ku yena, yeo ili ka Mañolo mane ili yona inosi fela ya Mañolo ya ku kolobeza ka yona. Mi cwale ha itiswa ku yena, mi kopano i ziba kuli ika latehelwa ki yena ha ka kala cwalo, kipeto ba mufa situlo sesinde ni ku mu cinca mwa keleke. Mwabona, Bubalami bwa kale, hape, kuswana fela sina mo ne kuinezi kwa simuluho.

¹³⁴ Cwale, muuna yani ya bala Bibele yani, hakoni ku I bala konji abone kuli yani kona Niti. Hakuna ya kile a kolobezwa ka ku itusisa malumbatina a “Ndate, Mwana, Moya o Kenile.” Ki tuto ya tumelo ya ba Katolika mi ha ki Tuto ya Bibele. Hakuna mutu mwa Bibele ya kile a kolobezwa, kamba lilimo ze mianda ye milalu kasamulaho wa lifu la muapositola wa mafelelezo, kono kamukana ne ba kolobezwa ka Libizo la Jesu Kreste. Keleke ya Katolika kona yene kalisize sani, mi babañwi baba siyezi ba kena ku zona. Mi mukutazi kaufela ya inzi mwa ku balisia kwa hae ha ka talima ku sani, u ziba kuli yani ki Niti. Kono, bakeñisa kabubo, kuli abuluke situlo sa hae, ni ku hupulwa hande mwahala sicaba, kipeto wa keshebisa.

“Kihande,” mu li, “Mulimu na mu fuyozi.”

¹³⁵ Kaniti. Babañwi ba kubona bana ni limpo za ku folisa, babañwi ba kubona bana ni mikopano yemituna. Mi sani si lambilwe mwa lipata za bona luli, mi ba amuhela kalabo yeswana ku zwelela mwa Linzwi la Mulimu yeo mina kamba mutu yomuñwi kaufela akona ku a muhela. Mulimu ha cinci. Mwabona se Ni talusa?

¹³⁶ Balami, ka situlo sesinde, a i nahana. Cwale mutualime, sikwata sesinde sani hane si kutile, ze lukile... Balami, fa, alwala liñolo la buhata. Mwabona? Ki hali... Si—sikwata sesinde si kute, na—na lukela ku bulela kuli, “Akuzwe fa pila ka! Ni ku bulelezi Linzwi la Mulimu. Kala ku zamaya! Kakuli se KISONA SA BULENA MULENA.” Kono, mwa bona, limpo, ni kuba muuna ya zibahala hahulu!

¹³⁷ Oh, mo ba latela ku eza zani! “Lu ka ku luma kwa lifasi kaufela. Lu ka kufa fulai yende. Lu ka tusanga mikopano ya hao kai ni kai haiba fela u sa . . .” Oh, batili. Uh-huh. Mwabona?

Lwa ziba seo Linzwi li bulela. Lwa ziba seo Mulimu a bulezi. Luka ina ni sona sani, ka tuso ya Mulimu. Mwabona? Hakuna taba ka mufuta wa sepiso, ni buñata bwa mo mukona kulifa, mane ni buñata bwa *se, sani, kamba sesiñwi* so kona—so kona ku tisa; luna lu bata za kuli KISONA SA BULENA MULENA, mi ni sa Na bulezi *Mo pili*.

“Kihande, keleke ya bulela kuli, ‘Sani ki sa bubeli.’”

Luna lu bata sa ba bulezi Mulimu kwa simuluho. “Mi sika se si ka ekezwa ku Lona kamba ku zwiswa ku Lona, mane ni haiba libizo la hao li ka zwiswa mwa Buka ya Bupilo; ku ekeza linzwi lililiñwi ku Lona, kamba ku zwisa Linzwi leliñwi ku Lona.” Lu bata za Na bulezi; isiñi se i bulezi keleke, sa bulezi Muituti Jones, sa bulezi mutu yomuñwi fela. Lu bata sesili KISONA SA BULELA MULENA, seo Linzwi li bulezi.

¹³⁸ Kono cwale lu fumana Balami, yena mutanga wa Mulimu. Ni baana babañwi bani bene ba li teni, mi ki baba ketilwe ki Mulimu, mi ba bulela Linzwi la Mulimu mwa litaba zeñata; kono ha si taha kwa Niti yetezi, habana kueza cwalo.

¹³⁹ Mulemuhe fa, kakuba mupolofita wa Mulimu, ha lukeli ku swaseha mwa sikhata se si cwalo sani, ka kukala. Na sa lukeli ku ya ni bona. Kono, mutualime, ka bakala kabubo, mwabona, ka bakala lizwalo la hae, na ize kuli, “Kihande, mulibelete busihu kaufela, mi Ni ka lika hape.” Mwabona, “Ni ka lika hape”? Kiñi zo batela ku likela habeli?

¹⁴⁰ Mulimu na mu bulelezi kale sa ku bulela. Mulimu naize kuli, “Ba bulelele kuli ha ui kwateni.” Lani kona Linzwi la Hae la pili. “Ha ni yi. ‘Mi u sike wa ya. U sike wa kuta se Ni fuyozi.’” Cwale mutualime mo ne li mu wezi, kasamulaho wa nako nyana. Mwabona? Mi ku kaba cwalo, nako kaufela. Fo Mulimu ha bulela sika, U talusa ona cwalo. Ha cincangi muhupulo wa Hae ka sona. U pila hande ka Linzwi la Hae. Hakuna taba kamba mutu yomuñwi uka bulela sikamañi, Uka ina ka lona Linzwi lani.

¹⁴¹ Cwale, Balami na lukela kuziba hande. Na swanelia ku ikambusa ili yena kwa sikhata se si cwalo. Kono ona lisepiso zende zani kaufela za mulena yoo, ali, “Wa ziba Na kona ku eza cwalo. Na ni mbishopu. Na kona kueza kaufela se Ni lata kueza, mi Ni ka ku polomota haiba u ka taha ku to ni ezeza cwalo.”

Kono Mulimu na sa mu bulelezi kale, “U sike wa eza sani.”

¹⁴² Kono niteñi Balami ali, “Wena, u ine fela busihu kaufela, mi Ni ka—Ni ka lika hape.”

Mwabona, nana ni Linzwi. Ha mu lukeli ku kanana ni hanyinyani ka Lona. Mulimu ubulezi ka cwalo. Ni sikhata se si

cwalo sani, kamita baka mi kelusanga mwa tato ya Mulimu ka lingambolo za bona, haiba mu ka ba tuhelela.

¹⁴³ Nekuna ni sikwata silisiñwi sene si tile ku mupolofita, nako yeñwi, ya bizwa Jobo. Neba palezwi ku mu kuzisa. Na boni pono. Na zibile sene si lukile.

Balami na boni pono, kono niteni na si ka ina ni Yona.

¹⁴⁴ Hakuna taba kamba sikwata sa keleke ya habo ne si bulezzi cwani, “Oh, Jobo, u lukela kueza *se*, u lukela kueza *sani*.” Mane nihaiba yena musala hae, na bulezzi kuli, “U bulela inge mutu wa sikuba.” Mwabona? “Na ziba sa na bulezzi Mulena. Na ziba sa Na bata, sani kona se Ni ezize.” Mwabona, na pilile ka sa na mu bulelezi Mulimu.

¹⁴⁵ Mulemuhe, Balami ka ku itusisa liñolo la hae la buhata le kwa lizwalo la hae. Mwabona? Ki hali, “Kihande, Nika—Nika buzisisa. Ni ka lika hape.” Cwale, fani kona fo mutaha, lwa bubeli. Ki bo Balami babakai bo lu nani busihu bwa kacenu, baba lata ku itusisa liñolo la buhata la Mateu 28:19 bakeñisa fela buino bwa lizwalo la bona? Ki babakai baba bata ku itusisa Malaki 4 ka bakala lizwalo la bona? Ki babakai baba bata ku itusisa Luka 17:30 bakeñisa lizwalo la bona? Ki babakai baba bata ku itusisa lika ze, kanti bali, “Kihande, Na ku bulelala, Ni—Ni lumela kuli ba lyangani kaufela bona ka Sani”?

¹⁴⁶ Mi cwale ki yo Balami inza lika ku bulela, “Mwendi Mulimu hakulata na lyangani. Ni ka lika hape, mwabona, mubone sa Na bulezzi.” Cwale, Wa ziba pilu ya hao. Mulemuhe, Balami na itusisize liñolo la buhata le kwa lizwalo la hae fela, kakuli, kaniti, na bata masheleñi ani. Na bata ona likute lani. Na bata ona zani. Na bata musebezi wani. Na bata situlo sani, kuli ba mu bone, kakuba Muituti wa *Kuli-ni-kuli*. Kacwalo ki—ki—ki ha li, “Ni ka lika hape.”

¹⁴⁷ Oh, ku bo Balami mwa lifasi busihu bwa kacenu, litulo ze sepisizwe, kabubo! Mawi, oh, mawi! Ba banga ni singonyi ka zona. Bakeñisa likopano za bona fela, ba li, “Haiba u ka eza *sani*, uka lelekelwa kwande. Ni ziba kuli u muuna yomunde, mi lwa ku lata,” mi ki muuna yomunde, “Iwa ku lata. Kono ha ukoni ku kutaza cwalo. Tuto—tuto ya luna i bulela kuli haukoni ku eza cwalo. Muituti wa *Kuli-ni-kuli* na bulezzi cwana kona mo kuinezi. Cwale u lukela ku si lumela ka nzila ye, haiba uka pila ni luna. Cwale, haiba nji u lata, Ni ziba kuli u bile ni nako yetata, kihande, Ni ka bona haiba Ni palelwa kuku polomota, mwendi ku cinca likeleke.” Oh, wena Balami tuwe! Haiba wa ziba tato ya Mulimu, ulukela ku i eza! Mulimu hana ku cinca muhupulo wa Hae. Batili.

¹⁴⁸ Sika sa na kona ku fitelela, yona Niti, ka musebezi wa hae. Ki hali, “Kihande, Nika—Nika lika hape.” Mulemuhe bo Balami baba liteni bani.

¹⁴⁹ Kacwalo cwale muhupule, hana fitile mwa busihu bwa bubeli, ni yena yazwile mubano mwa lika yomutuna yo wa litanya, na sa bile kale ni lizwalo le li sikami mi la singonyi, Mulimu a mu tuhelela kuli azamaye. Cwale, Mulimu na si ka cinca muhupulo wa Hae, kono Na mu file tato ya Hae ya ku hapeleza lika. “Zwelapili he kanti.” Kono na fumani kuli ne li si ka beleka.

¹⁵⁰ Mulimu na zibile sene sili mwa pilu ya Balami. Ni ha nali mupolofita, Na zibile kuli na ba toile ba pikuluhi baba kenile bani, mi ki—mi ki ha sa... yena—yena na bata kuli a yo ba kuta, ni hakuli cwalo. Mi Mulimu na mu bulelezi kuli asike ku yo eza cwalo, kono niteni sa taha, na bata kueza cwalo, hape, kacwalo Mulimu amu tuhelela kuli a zwelepili. Mulimu ali, “Aku zwelepili.” Cwale, muhupule, Na si ka cinca muhupulo wa Hae.

¹⁵¹ Mulemuhe, ne li tato ya hae kuli a ba kute. Batu bana talima kuba sina likuba, na bata ku ba kuta. Na bata situlo. Na sa lati ku angabala ni bona, kacwalo a hupula kuli kambe na ha eza kezo nyana ye ku mulena, kona kuli na ka fiwa situlo. Mulimu na si ka cinca muhupulo wa Hae kamba Linzwi la Hae.

Kono U ka kufa takazo ya pilu ya hao, ya pilu ya hao. Na sepisize cwalo. Mwa ziba cwalo? Na sepisize ku mifa litakazo za lipilu za mina. Mi cwale litakazo za mina halibe Linzwi la Mulimu. Mutuhele kuli litakazo za mina libe tato ya Hae, kusike kwaba tato ya mina bañi. Tato ya Hae! Haiba nji Uka... Ha mu Mu kupa sika, Ha mi fi sona, muli, “Ni Itumezi, Mulena. Wena u ziba sesinde.”

¹⁵² Mutualime nihaiba Mulena Hezekia, fani Hana lumile mupolofita yani ku yena, Mulimu na ezize, mi a bulela ali, “Lukisa za ndu ya hao hande. U ka shwa.”

Hezekia asikululela sifateho sa hae kwa limota mi a lila ha butuku, mi ali, “Mulena Mulimu, Na—Na Ku kupa u ni shemube. Ni zamaile papila Hao ka pilu ye petehile. Ni bata kuli U ni lumelele kupila myaha ye fifitini hape.”

¹⁵³ “Ku lukile.” Mulimu a ambola ku mupolofita, ali, “Kuta u yo mu bulelela kuli Ni mu u utwile.”

Mi ki sikamañi sa na ezize? Na tisize maswabiswa fahalimwa naha kaufela. Na tukisize buhali bwa Mulimu kufitela Abata ku mu bulaya. Yani ki niti. Mwa ziba cwalo. Na wile ku Mulimu. Neku ka ba hande luli, kwande, a naha, mulena, ni bao kaufela, kuli kambe na kutile ku yo ikungela taba ya Mulimu ku yena.

Kono ne ku bonahalile tata ku mupolofita, fani mupolofita hana kutile ni ku yo bulela Linzwi la Mulimu ku yena, kasamulaho amano mu bulelela. Kono Mulimu ali, “Aku zwelepili.” Kono, mwa bona, ne si tisize maswabiswa.

¹⁵⁴ Ki sikamañi sa na ezize Balami? Kasamulaho wa kuziba tato ya Mulimu, mi niteni kona atundeka, na ka eza ona cwalo, niteñi.

Mi ki sikamañi sene si ezahalile? Mulemuhe. Na si ka cinca muhupulo wa Hae. Na zibile sene sili mwa pilu ya hae.

¹⁵⁵ Mwa ziba, Tomasi, nako yeñwi na palezwi ku lumela. Batili, na—na ize kuli, “Batili, Hanikoni ku lumela zani. Haiba Ni ka nga lizoho laka ni ku li swalisa mwa makupo a Hae, ku comeka mwa mañiba a lizoho la Hae, kihande, he, kona Ni ka—Ni ka lumela fo he.”

Yena ali, “Taha kwanu, Tomasi. Mwabona? Cwale beya mazoho a hao ka fa.”

Cwale, oh, Tomasi a bulela cwale, “Ki Mulena ka ni Mulimu wa ka.”

¹⁵⁶ Ali, “Eehe, u boni, mi cwale wa lumela. Ki mupuzo o mutuna cwani wa bao, baba si ka bona kale kono ba lumela!”

Batu fokuñwi habana ku amuhela Moya o Kenile kwanda kuli ba bulele ka malimi. Na lumela mwa ku bulela ka malimi, kaniti. Yena ki Mulimu yomunde; Uka kufa seo pilu ya hao i lakaza. Kono hakuna taba ka mo u bulela ka malimi, ni ku latula Linzwi le, u fosahalile ni cwalo. Mwabona? Mwabona, ha mu keni mwani ka ku bulela ka malimi. Mu kena mwateni ka ku buluka Linzwi kaufela. Bwani kona bupaki bwa Moya o Kenile, ki fani ha mu lumela Linzwi la Mulimu. Mwabona?

¹⁵⁷ Na lumela mwa ku bulela ka malimi. Na lumela kuli mwakona ku fiwa mata, sina hane Ni bulezi kakusasana cwana, kufitela ha mu ka bulela ka lulimi lo lunca. Ni eelize zeo, na kasibili, mi Ni ziba kuli ki Niti. Na ziba kuli ki niti. Kona sani ha ki sona sisupo, mina, sa kuli u mwana ya ketilwe ki Mulimu. Mwabona? Batili, luli. Na si ka bulela . . .

“Babañata baka taha ku Na ni ku bulela kuli, ‘Mulena, kana ne Ni si ka polofita ni kueza lika zetuna ze mwa Libizo la Hao?’ U kali, ‘A muzwe ku Na, mina baezi ba ze maswe, Nali kuba ni mi zibe.’”

¹⁵⁸ U bulela ka malimi kono u hana ku kolobezwa ka Libizo la Jesu Kreste? Sesiñwi si fosahalile kokuñwi. Eeni, kaniti; yeñwi ya lika zani, yeñwi ya litaelo za na file Mulimu zani. Kuna ni se si fosahalile. U tatube fela lizwalo la hao, mi ubone se—ubone se ibulezi Bibe. Mu ni bonise sibaka sesiñwi ko mutu akile a kolobezwa ka libizo la “Ndate, Mwana, Moya o Kenile.” Mwabona? Haiyo mwateni. Kono, mwa bona, fokuñwi ka bakala lizwalo la mina, mu bulelanga kuli, “Kihande . . .”

Lu bulele kuli, “Mulimu u ambolanga kwa basali ka mo ba lukela ku ezeza, ku sa tina tuputula ni zeñwi, kono, mwa ziba, bo mulisana ba bulezi . . .” Konakuli ba ka ikungela nzila ye bunolo.

¹⁵⁹ Ba ziba sana bulezi Mulimu ka zona mwahali Mo. Mwabona? Luli, Mulimu na bulezi cwalo.

Kacwalo ba—ba—ba bata kueza cwalo, ni hakuli cwalo, mwabona. Ba lika ku fumana buinyazo. “Kihande, Ni sepa kuli ki hande. Ha ki—ha ki . . . Moya ha u fuki . . .” Eehe.

Kono Mulimu na bulezi kuli muuna atine ku shutana ni musali. “Haiba nji musali atina siapalo se si swanela kuba sa muuna, ki maswabiswa fapila pata ya Hae.” Kacwalo ha ku si ka luka, eeni, mi ha mu lukeli kueza cwalo. Batili. Mwabona? Kacwalo, kanti ku, fosahalile.

¹⁶⁰ Kono, mwa bona, balika ku fumananga buinyazo, kuli, “Mulena ki yena ya ni bulelezi kueza cwana.” Hani buleli Na si ka ku taluseza, kono, talima, ha ki tato ya Hae ye petehile. Ne ili tato ya Hae ya ku hapeleza. Kana mwa bona se ika eza nji? Ika tampakanisa sikhwata kaufela. Ne itampakanyize kopano kaufela.

¹⁶¹ Mulemuhe fa, Mulimu na si ka cinca mulelo wa Hae, Linzwi la Hae. Kono Ki Mulimu yomunde, mi Uka mi fa takazo ya pilu ya mina, ni ha ika lwanisana ni tato ya Hae. Mwa lumela cwalo?

Mutalime, Mulimu na bulelezi Mushe, “U zamaye yeni kwani,” yena mupolofita ya tozizwe yoo. Ali, “U zamaye teni kwani mi u bulele kwa licwe lani.” Li se li natilwe kale.

¹⁶² Mushe aya kwani mwa buhali bwa hae, ananula mulamu, mi ali, “Mina bakwenuheli, kikuli lu mife mezi kuzwa mwa licwe le nji?” mi anata fa licwe. Mezi na si ka zwa. A li nata hape; sa zwa. Neli ku lwanisa tato ya Mulimu. Ne si lobile mulelo kaufela mwa Bibele; Kreste na natilwe lwa lubeli. Mwabona? Kreste na natilwe hañwi. Ne si lobile mulelo kaufela. Kono Na mu file tato ya Hae ya ku hapeleza. Mi, kasamulaho, ki hali, “Mwabona, lu mi tiselize mezi. Eeni, Ni mi tiselize ona, mina sikhwata sa bakwenuheli!”

¹⁶³ Mulimu ali, “Taha kwanu, Mushe. Taha kwanu. Taha ukambamele fahalimu fa . . . Ubile mutanga ya sepahala.” (Sina musali ya na ni masito a matelele, “U pahami,” mwabona.) “Talima mwa buse mwani. Wa bona naha ya sepiro nji?”

“O Mulena!”

“Kono wena hauyi kwani. U ngile tato ya Ka ya ku hapeleza, kwanu fa Licwe. U ibubekile ili wena, mwabona, mi isiñi Na. U ikenisize ili wena. Ha usika kenisa Na. Ha usika buluka Linzwi la Ka la makalelo, seo Ni ku bulelezi kueza.” Ibo niteni, mezi azwile.

Wa kona kubeya mazoho a mina fa bakuli mi kipeto ba fola. Wa kona ku polofita, kamba ku bulela ka malimi. Kono, taba yateni ki kuli, mu buluke Linzwi la Hae la makalelo! Mulimu ha cinci mulelo wa Hae, mulikani. U lukela ku buluka tumo ya Hae, tato ya Hae.

“Oh, kihande, sani neli sa balutiwa.”

¹⁶⁴ Yena ha cinci. Haiba nji U sali mulatiwa, yani kona tumo yeswana. “Muye mwa lifasi kamukana mi mu kutaze Evangelii. Lisupo ze lika latelela baba lumela.” Ha li si ka cinca. Ha koni kucinca.

Cwale, mu ka li, “Kihande, Na mi bulelela, ha ki za lizazi le.” Oh, wena mu Balami tuwe! Mwa bona? Mwabona, Mulimu ha cinci. Yena ki ya swana maabani, kacenu, ni kuyakuile.

¹⁶⁵ Mu talime fela kuba ha Balami kacenu. “Oh, Na ziba, mwa Bibebe ne ba kolobelizwe ka Libizo la Jesu, kono, mutualime, sicaba kaufela . . .”

Hanina taba ka se ba ezize batu. “Hakuna Libizo leliñwi mwataswa Lihalimu leli filwe kwa batu le mu lukela ku piliswa ka lona.” “Hakuna swalelo ya libi, konji fela ka Libizo la Jesu Kreste.” Sikamañi, mo u bezi yomunde, so ezanga, sani hasina nto iliñwi ya kueza ka sona. Ki Linzwi la Mulimu la makalelo; u lukela kuina ni Lona. Whew! Ku lukile.

¹⁶⁶ “Ku utwela Linzwi la Hae ki kokunde kufita sitabelo.” Mu hupule nako yani Saule hana kutile.

¹⁶⁷ Balami nana ni mpo ya tumelo mi na lukela kuitusisa yona kwa kupertahala, kwa Linzwi la Mulimu.

Buñata bwa baana mwa simu kacenu, ni limpo za kufolisa, ba kona kueza taba yeswana. Baana babañata kwanu, batu baba bulela ka malimi, batu ku polofita, ki mpo, bakona ku itusisa yona kwa Mubuso wa Mulimu, kono haba ezi cwalo. Ba nga . . . Mi Mulimu wa ba fuyola, ni hakuli cwalo, ba ikungela tato ya ku hapeleza. Kono kwa kabubo, ni minyaka, libubo la butu, ku lekisa litukelo za kupepwa kwa bona, sina Isau mwa na ezelize, mwabona, ba lekisizwe kwa kopano. Ku lekiswa, sina Balami mwa na ezelize. Mwabona?

Kacwalo babañata kacenu ba eza taba yeswana. Lu ziba kuli yeo ki niti. Ba lekisa litukelo za sipepo sa bona. Huh! Basali baba ipapata Moya o Kenile, kutina tuputula; muuna wa ba lumeleza fa katala, basali baba kutile milili fa katala; mipende kwa lifateho za bona, ni mikanco ya bulapeli ba tinile. Sisitataliso se situna seo keleke ikile ya ba ni sona.

¹⁶⁸ Haiba nji mubata kuziba, mwa mata a lipolitiki, kuli ki nako mañi mwa lusika lwa mubuso, mutualime ko bainzi Majuda. Mutualime mo ba inezi Majuda, kakuli bona kona na ha. Haiba nji mubata kuziba fo ku yemi linaha, mutualime Majuda.

Haiba mubata kuziba keleke fo iyemi, mutualime basali. Mutualime muikutekelo mwahala basali, kakuli musali ki siyemo sa keleke. Hamuka bona kubola mwahala basali, muka fumana kubola mwa keleke. Seo abile sona, seli Jezabele ya ipentile, kona ona cwalo fela seo keleke ibile sona. Mwabona? Cwale, yani ki niti, mi mwa ziba cwalo. Mwabona? Haiba nji mubata kuziba

keleke fo i inzi, mutualime muikutekelo mwahala basali ba mina. Kakuli, musali yani, keleke ki musali.

Haiba nji mubata kuziba mayemo a naha, mutualime Majuda.

¹⁶⁹ Mulemuhe, sian Mulimu hana bulezi ku Balami, kasamulaho amano utwa buketelo bo ne buli bwa niti, Linzwi, "Usike wa ya." Eeni, mi ki Ha mu bulelela, kasamulaho Amano bona mwa—mwa pilu ya hae, sana lukela kueza; Na mu file tato ya Hae ya ku hapeleza, kacwalo ki Hali, "Zamaya."

¹⁷⁰ Mi mwa kona kueza lika ze swana. Haiba nji ha mulati ku zamaya mwa Niti, mwa kona kuya mu yo ba ni—ni bulumiwa bo butuna. Kaniti, mwa kona. Kono musweli kunga tato ya Hae ya ku hapeleza. Musweli ku zamaya fahalimwa Linzwi la Hae. Uka mi fumisa, ki niti. Zani . . .

Sina fela mwa Na ezelize Balami. Nali ya fumile, kono na palezwi ku kuta sicaba sani. Na si ke kueza cwalo. Kakuli, nako kaufela yana likile kueza cwalo, na fuyola. Mwabona, na palezwi kueza sani. Kono hana tile ku za kubata kufuma, na lutile sicaba sani, ka Balaki, kuli ba eze buhule. Na kenyisze mwa kopano ya Isilaele ni ku ba nyalisa, ali, "Kupalañi, luna kaufela lu alimuñwi. Kupalañi, mubile mulapela Mulimu ya swana. Luna ni mupolofita kwetu; mi ni mina muna ni mupolofita kafoo. Mi luna ni sitabelo se si swana, yena Jehova ya swana sina bashemi ba luna. Cwale, kiñi mina kaufela hamusike mwa taha kuli mube hamoho ni luna?"

Bibele i bulezi kuli, "Musike mwa ikopanyanga mwahala baba sa lumeli. Musike mwa kena kwa coko ni bona, ni hanyinyani. Haiba nji haba Li lumeli, muine kwahule ni bona." Mwabona? "Muzwe kwatene, mu kauhane," ku bulela Mulena, "mi Ni ka mi amuhela." Mwabona? "Musike ku swala ze masila za bona." Yani ki niti. Ze masila za bona ze lwanisana ni Linzwi, ni lika ze cwalo, muinele kwahule ni zona. Musike mwa teeleeza ku zona.

¹⁷¹ Mi fa lu fumana kuli Balami naile kwani mi akala ku luta sicaba, mi nana ni mafosisa. Mi ki ha—ha ya ka nzila ya Balami, ka mwa na ezelize, ni ku luta Balaki, mi bana ba Isilaele ba eza buhule. Mi ni koto ya wela naha ya Isilaele, sicaba, mi likiti kiti za bona za shwa mwa lizazi lililiñwi.

Mi cwale hane bali kwani kaufela bona, fapila aletare ya Mulimu, banze ba lapela, se kutaha muuna wa mu Isilaele ni musali wa mu Midiani, musali wa kopano, mi ba kena mwa tende. Mi mwana mushimani wa muprisita aya kwani, anga lilumo ni ku ba bulaya sibeli sa bona. Mi sani sa kuyula buhali bwa Mulimu. Mwa ziba kuli ani ki Mañolo. Kana ki niti yeo nji? Mwabona?

¹⁷² Kono ki sikamañi sene si ezahalile? Balami, na konile ku fokolisa Isilaele. Ki sikamañi sa na ezize? Na fokolisize kopano

ya bona. Mulimu na mu tuhelezi kuya kuli ayo fokolisa kopano yani, mi za silafaza kopano kamukana.

Mi cwale tuto yeñwi haikala, yona ye si Niti ya Bibele, i silafaza kopano kamukana. Yomuñwi ha ka yema ni muhupulo o shutana, sina Kora, ni kubulela kuli, “Kihande, *se, sani*, ni *sesiñwi*, mi Ni na ni muhupulo o shutana,” si ka silafaza kopano kaufela. Mi sani kona se si ezahezi mwa kopano ya keleke kacenu. Yani ki niti.

¹⁷³ Ku luta sina mwa na ezelize, ku fokolisa kopano kaufela kwa Kadeshi-barnea, ili ku swabisa Linzwi. Hane ba ilo fita fa Kadeshi-barnea, fani, ku fokola kwa kopano. Ba yo kuta. Ne ba ile mwa mulaho wa . . .

Muhupule, ne ba ca lico za mangeloi. Ne ba na ni Linzwi la Mulimu, busihu kamukana, ne i iponahaza. Mi ne ba cile lico. Ne ba nwile mwa licwe. Ne ba ezize kaufela, ku bona limakazo. Ne ba boni Mushe, ni kubona linzwi la hae, kubona sipolofita sa hae, lika kaufela.

Mi cwale ka kufeleleza hane ba teeelize ku muluti wa buhata yani, yana tile mwahala bona ni ku luta mafosisa, a fokolisa kopano, ni kufuma ka yona.

Mwendi hakulata na yahile miyaho ye feza ma dollar a eza milioni. Mwendi hakulata nana ni likopano zetuna. Mwendi hakulata na ekelize masauzande ni masauzande, ni kueza misebezi ye mituna, ni misebezi ye miñata, mi nali mupolofita. Yani ki niti, kono, haibile fela kuli ha ki Linzwi la Mulimu, ku hande muine kwahule ni zona.

Mulimu ha cinci muhupulo wa Hae. Mupile hande ka Linzwi la Hae, kakuli sani kona se si ka taha kwa mafelelezo, lona Linzwi, Linzwi ka Linzwi. “Yo kaufela yaka zusa Linzwi lililiñwi ku Lona, kamba ku ekeza linzwi leliñwi ku Lona!” Lia ni kuina, Linzwi lani.

¹⁷⁴ Cwale muteeleze ka tokomelo cwale. Hane kutile tatubo ya Linzwi, fani hane ba ilo bona twaniso yetuna, ona twaniso tuna ye bakile ba bona, ma Amaleke nebali—nebali babatuna ha lishumi kufita siyemo sa bona. Neba ize, “Lu bonahala sina limbimba. Makwakwa a bona, kamba minzi ya bona ipotohilwe ki makwakwa kufitela mane bakona ku mata takano ya likoloi kupotoloha mwateni, likoloi zepeli, ku ya mo ba konela ku yela, kutinguluka mamota, mwabona, mwa minzi ya bona. Kupalañi, miwayo ya bona inamile hande, ki ye mitelele. Mi ki mangangalume. Kupalañi, lu bonahala sina limbimba. Halu koni kueza cwalo.”

Mi baana bababeli ba yema ka Linzwi lani, Kalebu ni Joshua, bali, “A mulibelele fa muzuzu! Mina batu baba tuu milioni a mukuze fa muzuzu fela. Lwa kona kueza cwalo mane ni kufita. Mwabona, lu ba fitela kwahule luli.”

Kikai fo ne ba yendamezi? Mulimu na bulezi kuli, “Ni mi file naha. Ki ya mina.” Mi se ba yema ona fani. Kono batu ne se ba nyalisizwe kale ku sili, mwahala lika zeñwi, ni mifuta kaufela ya lituto za litumelo ni mikiti ya sizo mwahala bona, mi ki baba fokola fela, ba sihali-hali, ne ba sa zibi nzila kwa ku kuta ni sa kueza. Yani ki niti. Ki ha se kutaha tatubo ya Linzwi.

¹⁷⁵ Ibo, Wa mifanga tumelelo kuli mueze cwalo, ku lumeleza tato ya mina, tato ya ku hapeleza, kuziba cwalo . . . Sona sesili mwa pilu ya hao, Wa si ziba.

Mu li, “Kihande, Muzwale Branham, Ni ezanga sa *kuli-ni-kuli*. Ha si ni bilaezi. Mulimu wa ni fuyolanga zazi ni zazi. Na opelanga mwa Moya. Na binelanga mwa Moya. Na . . .” Uka si lumeleza. Zwelapili cwalo. Sani si lukile. Kono ki sikamañi so ka eza?

¹⁷⁶ “Na tinanga tuputula, mi Ni ezanga ni sa *kuli*. Ha si ni bulaezi. Ni ziba tumelo yaka kuli iku Kreste, isiñi ku ze Ni tina.”

Kono, Bibele i bulezi kuli kuna ni sesiñwi ku zona. Mwabona? Ki sikamañi so ka eza? Uka panga sisitataliso, sina Balami mwa na ezelize, fapila basali babañwi kaufela. Mu ka eza sikamañi kwa basizana ba mina ba banyinyani? Mu kaba ni sikuwata sa ma Ricketta, yani ki niti luli, sikuwata nyana sa bo Jezabele baba ipentile. Mwabona?

¹⁷⁷ Kono Mulimu uka mi fumisa. “Kiñi, Wa ni fuyola.” Hani kakanya sani. Na fuyozi Balami, ni yena. Mwabona? Kaniti Uka eza cwalo. Mu sweli ku zamaya mwa tato ya Hae ya ku hapeleza, isiñi tato ya Hae ye petahezi. Mulimu ha cinci mulelo wa Hae, bakeñisa kuli Wa ku fuyola.

Na fuyozi Isilaele kwande kwani fa myaha ye mashumi amane. Ki sikamañi sene ba ezize? Ne ba inyalezi basali, ne ba uta mabasi, ku tubeta bana, ne ba lifa za bulishumi za bona, neba pilile ona kwande kwani. Mi ni Mulimu na ba fuyozi mwa lihalaupa mwani, aba fepa ka manna, cwalo cwalo. Mi mañi ni mañi wa bona na shwile, kakuli ne ba sika buluka za Hae za makalelo, ku hapeleza . . . tato ya Hae ya makalelo, Linzwi la Hae. Neba amuhezi nzila ya Hae ya ku hapeleza.

¹⁷⁸ Mu zwelepili, kono, mwa hupula, fani hane ba siile Kadeshi, ne ba si ka ba mwa musipili ni hanyinyani. Neba ile fela banze ba potoloha ni ku potoloha, mwa lihalaupa. Kwani, kone ba lukela kuba, mwa mazazi amabeli kuzwa fani, ne ba kaba mwa naha ya sepiro. Ba zamaya myaha ye mashumi amane, mi yomuñwi ni yomuñwi wa bona a shwa kwanda Joshua ni Kalebu, bone bene ba yemi fa Linzwi.

¹⁷⁹ O Mulimu, lu tuse. Mulimu ha cinci mulelo wa Hae. Ha cinci mulelo wa Hae, kono Uka mi fuyola.

Luli, Na fuyozi Balami. Mi ki sikamañi sa na ezize kwatasi kwani? Na tampakanyize kopano kaufela. Mwabona, mu lukela kuina ku Sa bulezi. Na si ka cinca mulelo wa Hae wa makalelo.

¹⁸⁰ Cwale mutualime ku bo Balami kacenu, mwa simu, kikuli muka eza. Mutualime fela kafa ni kafa. Ba fuma, ba bulela ka malimi, luli, kuitusisa mpo ya Mulimu kuli ba fume, lika kaufela, luli. Kono za silafaza keleke kaufela ya Mulimu ka tuto ya bona ye bolile. Yani ki niti.

Yomuñwi kuna, ali, “Ki sikamañi se u ezeza *cwalo*? Ki sikamañi se u ezeza *sani* kanti?”

Se nili, “Kana ha u lumeli kuli Yani ki Niti nji?”

¹⁸¹ “Oh, eeni. Kono,” ki hali, “wa ziba kuli kiñi? Bo ha ki butata bwa hao. U lukela ku lapelela bakuli. Ba ku lumela kuli u mupolofita. Kiñi, wa kona ku ba luta basali bani mwa ku ezeza zani, ni bona baana bani, mwa ku ezeza *se, sani*, ni *sesiñwi*.”

“Ukona ku ba luta cwani lipalo za alugebura kanti mane ha ba zibi ni ABC ya bona? Huh? Huh? Kana ukona cwani ku ba luta lika zani kanti mane haba koni nihaiba ku utwisisa za makalelo?” Mwabona? Mu lukela ku kuta ni ku to tateka fo ne mu kalezi, kamba fo ne mu siyezi, ni kunga Linzwi la Mulimu kaufela.

¹⁸² Mu talime fela ku zona mwa masimu kacenu. Sina Balami hana nyalezi mwa keleke ya Mulimu, ili lihule, anyalela lihule mwa keleke ya Mulimu, kacwalo ki mo ba inezi ni bona baluti ba buhata ba kacenu balika ku mi bulelala. Ba ka nyalisa yeñwi ni yeñwi ya likopano ni batu ba ku lihule la kale la Sinulo 17. Tuto ya bona ya Balami iyandulukile kai ni kai kacenu, mi bali, “Lu baba swana fela. Luna kaufela lu Bakreste.” Ni baprisita ni ma popu, ni bao kaufela, kaufela ba keshebisa mi ba eza zani.

¹⁸³ Mukutazi na ize kuli... Nihaiba Na na muziba mukutazi wa Pentekota, kaufela bona, ba kalile cwale kufanga silalo se si likanelela. Se si talusa kuli, *Ashitaroti*, ili “mulimu wa kweli,” silalo sa mulalelo. Bali, “A mutitime kwa meeto mi mu amuhele, haiba za holofaza lizwalo la mina.” A mutitime kwa meeto? Ki silalo se si likanelela, si talusa sikamañi sani? Lu nga mubili o lobehile, Jesu Kreste, kulobiwa; ha ki mulimu wa kweli ya likanelela, Ashitaroti, yo Maria uingile sibaka sa hae. Mi ni silalo sa si Roma si sa likanelezi, kakuli mulimu wa kweli, mulimu wa musali, isiñi mulimu. Luna ni sinkwa se si lobehile, kaniti. Oh!

¹⁸⁴ Kacwalo he lihule le lituna la Sinulo 17, ona baluti ba Balami ba ni tuto ya bona ya buhata, ba nyalisa keleke mwa mufuta busafa bo bu cwalo. Mutualime ha se ku fitile fa kangisano kwa nako ya mafelelezo, mutualime fa bufokoli bwa yona cwale. Likopano ze naini handeleti ni zeñwi ze shutana, alimuñwi u hohela kwa nzila ye, mi yomuñwi ku yeñwi. Hakuna swalisanu mwahala zona. Mi basweli kulika kutisa kutwano; kusina ku

yemelwa ka Linzwi la Mulimu, ona mulelo wa makalelo wa Mulimu. Ba li amuhela mwateri ka lipolitiki ni ka kopano.

Mulimu ha cinci mulelo wa Hae. Yena upila ka swanelo ni Linzwi la Hae. Na bulezi kuli, "Lihalimu ni lifasi lika fela, kono Linzwi la Ka halina ku fela." Yani ki niti. Yena upilanga ni Linzwi la Hae la makalelo. Oh, mawi!

¹⁸⁵ Ni ha ba sa kakanya ka Lona, sina fela mo ne ba ezelize, mi fela... Kuna ni fela nto iliñwi ya kueza. Yena hana ku Li cinca. Mulumele fela. Kakuli, sibeli sa lihalimu ni lifasi li ka fela; kono Linzwi la Hae halina ku fela. Mwabona?

¹⁸⁶ Mwabona kana ko mu nyalelwa? Mwabona lipolitiki ni zeñwi, mo ba likela ku i kopanya kwa keleke hamoho ka likangisano mwa keleke? Halu si ka kopana ku Kreste lipolitiki za naħa.

Lu i kopanya kwa Keleke, ku Kreste, ka kolobezo ya Moya o Kenile. Mi mo mu zibela kolobezo ya Moya o Kenile, ki bakeñisa kuli Moya wani ku mina u lemuha Linzwi la Mulimu kaufela kuba la Niti. Yani ki niti. "Kakuli yo kaufela ya ka zwsa Linzwi lililiñwi ku Lona, kamba ku ekeza leliñwi ku Lona, siemba sa hae si ka zwsa mwa Buka ya Bupilo."

¹⁸⁷ Ibo, "Wa fuma," mo mu bulelala. Hamukoni ku lumela Sani ka sifumu. Hamukoni ku atula Mulimu ka sifumu. Lifasi la fuma. Balami na fumile ka lona.

Kono, muzwale, mu atula Mulimu ka Linzwi la Hae. Wa bulukanga Linzwi la Hae ni ku Lipaka kuli ki Niti. Kacwalo, hupula, mulikani, haibile fela wa pila, usike wa be ulibala se: Mulimu ha cinci mulelo wa Hae. Ibo, U kana a fuyola. Uka ku lumeleza ku zamaya ka tato ya Hae ya ku hapeleza, kono Ha na ku cinca mulelo wa Hae. Hana ku cinca muhupulo wa Hae. Hana ku cinca Linzwi la Hae, ka mina. Batili, sha.

Muna ni ku cinca. Hamukoni kuba ni Linzwi la Mulimu kuli li zamaelele ni kutwisiso ya mina; muna ni kuba ni kutwisiso ya mina fa kuli mu lumelane ni Linzwi la Mulimu. Mwabona? Yani kona nzila ye muna ni...

Mu kali, "Kihande, Ni muuna yomunde. Mulimu wa ezanga se, sani, ni sesiñwi." Kono kana wa buluka Linzwi la Hae nj? "Oh, kihande, Na mi bulelala, sani ha ki sona fela... Batili." Ku lukile, kuna ni se sifohalile kokuñwi. Mulimu uka... Eeni, Uka mi fumisa. Luli, Uka mi eza cwalo...

¹⁸⁸ Ba likopano ba fumisa baba sa li tokwi! Ba bapula litende za bona, likeleke zetuna, mi zende, ni lika kaufela, mwahala naħa kamukana. Ba fumile, mi masheleñi a suluha fela, ni ma membala kuzwa kai ni kai. Kikuli Bibebe ne i sika bulela kuli, "Ku yena ne kufumanwi ni sifumu sa lifasi, mane nihaiba mioya ya batu," ni lika zeñwi, zani ne li fumanwa ku yena lihule la kale le, ili yena me wa taba ye kaufela, lipolitiki ni likopano?

¹⁸⁹ Kono sikhata se silikani sa Mulimu ki Munyaliwa wa Hae, ya yendamezi fa Linzwi lani. Mi Ndate yomunde wa Lihalimu a mi buluke munze muyemi hande ona fani. Musike mwa zwa mwa Linzwi lani ni kamuta.

Mwakona ku fuyola, mwa kona ku... Mulimu wa kona ku folisa bakuli ba mina. Wa kona ku folisa mbututu wa mina ya kula. Wa kona ku folisa muuna hao, musala hao. Wa kona ku folisa bo maho, mutu yomuñwi cwalo. Mwa kona kutula ka Moya wa Hae, ni kubina kutulela mwa halimu nifafasi.

Muhupule, pula inelanga ku baba lukile ni baba sika luka, ka kuswana fela. Kono haiba nji peu yani iteni mwahali mwani, ikana ya ba kuli zibilwe kamba ha isika zibiwa. Mi haiba izibilwe, ya kona ku... Haiba nji ki buloto, ika ba ni kutisa buloto. Haiba nji ki Linzwi la Mulimu, ikaba ni kutisa za Linzwi la Mulimu. Haiba ha i cwalo, kihande, kona kuli ha i cwalo. Mwabona? Mwa utwa seo cwale?

¹⁹⁰ Mulena ami fuyole. Fa ne Ni mi bulelezi kuli Ni ka tuhela ka naini kiloko, mi ki ye fa, mizuzu ye mashumi amabeli bukaufi ni teni. Buñata bwa mina batu, muna ni musipili ye mittelele ya ku zamaya. Na mi lata. Mi libaka le Ni mi bulelezi ka mufuta wo, ha ki kuli Ni bata kuba ya buhali ku mina, kono Na mi lata. Mi se Ni ziba, hakuna se Ni mi patela; Ni mi bulelela Niti.

¹⁹¹ Kwande mwa mikopano ko Ni yanga, ha mu ni utwangi ku kutaza Mañusa aa. Batili, Ni mi sepisize, kuli mutahange kwa tabernakele ye. Ona kwanu kona ko Ni kutalezanga Mañusa teñi. Ni na ni amalalu kamba amane fa asa li teni, ao Mulena a ni file, Ni na ni Mañolo ka ona, ao Ni sa koni ku kutaza ku sili fela kwanda ona kwanu. Kwanu kona ko Linzwi la Mulimu likalezi ku zwelela. Mi, niteni Mulimu u sa li cinca, Ni pila ona kwanu ni ku li tiseza ona kwanu. Yani ki niti.

Kwani kwande mwa mikopano, Ni lapelelanga bakuli, ni liza zeñwi ze cwalo; mi, kwa neku leliñwi, ku bulela litaba mwa mukwa wa li kekuluhu, kuli lingu li i kutwele Lona. Za ziba se si ambolwa ka sona. Kusi cwalo, ki bulo fela kwa kashuto, mwa bona. Na bonisanga lisupo za—za kulika ku bonisa kuli Mulimu wa ziba, mwa kulemuha, ni kuziba lipilu za sicaba, ni kueza ona lika ze. Yani ki mpo ya bu buleli, kuli i nyunge fela sicaba.

Taba ya pili mwa ziba, tepu i wela mwa ndu ya bona. Yani ya isweli, fani. Haiba nji ki ngu, uka taha hande ni Yona. Haiba nji ki puli, uka lahela tepu kwande. Uh-huh. [Muzwale Ben Bryant uli, "Hamoho cwalo, ni wena."—Mu.] Mwa bona, sani ki... "Hamoho cwalo, ni wena," ki niti, Ben. Yani, yani luli ki niti. Ben u bile ni zibo ya zona. Ku lukile. Kihande, yani ki niti.

¹⁹² Kana ha mu tabeli kuli mu ba Hae? [Puteho ili, "Amen."—Mu.] Kana ha mu tabeli nji? ["Amen."] Ne lu opelanga pina nyana ya pentekota, kale kafoo, ye twi:

Ni tabile hahulu kuli Mulena na ni lukuluzi;
 Ni tabile hahulu kuli Mulena na ni lukuluzi;
 Kambe ne si Jesu, ne Ni kaba kai?
 Ni tabile hahulu kuli Mulena na ni lukuluzi.

Oh, Ni bile ni tabo kuli Mulena uni lukuluzi;
 Ni bile ni tabo kuzwa fani Mulena hana ni
 lukuluzi;
 Kambe ne si Jesu, ne Ni kaba kai?
 Ni bile ni tabo kuli Mulena uni lukuluzi.

Ni bile ni huwa kuzwa fani Mulena hana ni
 lukuluzi;
 Ni bile ni huwa kuzwa fani Mulena hana ni
 lukuluzi;
 Kambe ne si Jesu, oh, ne Ni kaba kai?
 Ni bile ni tabo kuli Mulena uni lukuluzi.

Kanya! Kana hamusika taba? [Puteho ili, “Amen.”—Mu.]
 “Kana hamusika taba . . .” Halu iopeleñi.

Kana hamusika taba kuli Mulena u mi
 lukuluzi?
 Kana hamusika taba kuli Mulena u mi
 lukuluzi?
 Kambe ne si Jesu, oh, ne Ni kaba kai?
 Ni bile ni tabo kuli Mulena uni lukuluzi.

Kihande, Ni bile ni opela kuzwa fa na ni
 lukuluzi Mulena;
 Ni bile ni opela kuzwa fa na ni lukuluzi
 Mulena;
 Kambe ne si Jesu, oh, ne Ni kaba kai?
 Ni bile ni tabo kuli Mulena uni lukuluzi.

Kana hamusika taba ka seo? [Puteho ili, “Amen.”—Mu.] Mi,
 luka zamaya mwa Liseli. Mwa i ziba pina yeo?

Lu ka zamaya mwa Liseli, Ki Liseli kwa bunde,
 Le litaha ko kunela maloteli a puka ya sishemo;
 Ku monyeha mwahala luna ka musihali ni
 busihu,
 Oh, Jesu, ki Liseli la lifasi.

Kana ha mu tabeli sani nji? Halu iopeleñi hape.

Lu ka zamaya mwa Liseli, Ki Liseli kwa bunde,
 Le litaha ko kunela maloteli a puka ya sishemo;
 Ku monyeha mwahala luna ka musihali ni
 busihu,
 Oh, Jesu, ki Liseli la lifasi.

Lizazi seli pahami!

Mina baketwa kaufela ba Liseli muli,
 Jesu, ki Liseli la lifasi;
 Niti ni sishemo mwa Libizo la Hae,
 Jesu, ki Liseli la . . .

Cwale halu nanuleñi mazoho aluna halunze lu i opela.

Oh, luta zamaya mwa Liseli le, Ki Liseli kwa
 bunde,
 Le litaha ko kunela maloteli a puka ya sishemo;
 Ku monyeha mwahala luna ka musihali ni
 busihu,
 Jesu, ki Liseli la lifasi.

Mu swalane mwa mazoho.

Oh, Le litaha kokunela maloteli a puka ya
 sishemo.

Kana hamusika taba kuli mu bana ba Liseli? Mwana u mwa
 halimu.

. . . mwahala luna ka musihali ni busihu,
 "Mina bana ba banyinyani, mulatane younwi ni yomuñwi."

Oh, luta zamaya mwa Liseli le, Ki Liseli kwa
 bunde- . . . (ponahazo ya Linzwi la Hae)
 Litaha kokunela maloteli a puka ya sishemo,
 Ku monyeha mwahala luna ka musihali ni
 busihu,
 Ki Jesu, Liseli la Linzwi.

Mina kaufela mwa lumela cwalo?

Lu ya kwa Sione,
 Bunde, kwa bunde Sione;
 Lu zamaya ku ya kwa Sione,
 Ona Munzi wani omunde wa Mulimu.

Oh, lu ya kwa Sione . . .

Ba bahana ku opela
 Haba zibi Mulimu wa luna;
 Kono bana ba Mulena wa Lihalimu,
 Mi kono bana ba Mulena wa Lihalimu,
 Mi ba bulele tabo ya bona kwahule,
 Ba bulele tabo ya bona kwahule.

Kakuli lu ya kwa . . . (Kanya!)
 Bunde, kwa bunde Sione;
 Oh, lu zamaya kuya kwa Sione,
 Ona Munzi wani omunde wa Mulimu.

Oh, lu ya kwa Sione,
 Oh, bunde, kwa bunde Sione;
 Lu zamaya kuya kwa Sione,
 Ona Munzi omunde wa Mulimu.

¹⁹³ Amuzuse litaulo za mina. Muzuse litaulo za mina, fa muzuzu fela. Halu feni Mulena nubu ya ku tu fukisa. Ne si libunda, kono ne ba nga fa mubili wa Paulusi litaulo ni lika zeñwi, mwabona.

Oh, lu ya kwa Sione,
Oh, bunde, kwa bunde Sione;
Lu zamaya kuya kwa Sione,
Ona Munzi wani omunde wa Mulimu.

Oh, lu ya kwa Sione,
Oh, bunde, kwa bunde Sione;
Lu zamaya kuya kwa Sione,
Ona Munzi wani omunde wa Mulimu.

¹⁹⁴ Amen! Oh, kana ha si mi ezi ku ikutwa hande? Na kona fela ku nahaniseza ka baba kenile ba kale bani kwa mulaho kwani, basika kena kale mwa mikiti ya Maroma kwani, ha bakala ku kambama lilundu lani, mwa ziba, ku pahama nyana lizulu lani, kukena mwa musima wa litau, banze bali:

Oh, lu ya kwa Sione,
Ona bunde, kwa bunde Sione;
Lu zamaya kuya kwa Sione,
Ona Munzi wani omunde wa Mulimu.

Masimu a Sione a kutuzwi
Ki lika ze munati ha likiti
Lusika fita kale kwa Lubona lwa Lihalimu,
Lusika fita kale kwa Lubona lwa Lihalimu,
Kamba ku zamaya mikwakwa ya gauda,
Kamba ku zamaya mikwakwa ya gauda.

Lu ya kwa Sione,
Ki bunde, kwa bunde Sione;
Lu zamaya kuya kwa Sione,
Ona Munzi wani omunde wa Mulimu.

¹⁹⁵ Mukutele ze ni ka bulela. Mulena Mulimu, [Puteho ili, "Mulena Mulimu,"—Mu.] Ni ipa ili na sinca ku Wena. ["Ni ipa ili na sinca ku Wena."] Ni kenise kwa sibi sa ka kamukana. ["Ni kenise kwa sibi sa ka kamukana."] Ni kenise kwa ku kakanya kwa ka kaufela mwa Linzwi la Hao. ["Ni kenise kwa ku kakanya kwa ka kaufela mwa Linzwi la Hao."] Tuhela kuli, kuzwa mwa Paseka ye, ["Tuhela kuli, kuzwa mwa Paseka ye,"] ni be sibupiwa se sinca ["ni be sibupiwa se sinca"] ku Kreste Jesu. ["ku Kreste Jesu."] Tuhela kuli ni lwale, mwa pilu yaka, ["Tuhela kuli ni lwale, mwa pilu yaka,"] Linzwi la Hao. ["Linzwi la Hao."] Ha Li be Lumonyi kwa mautu aka ["Ha Li be Lumonyi kwa mautu aka"] lo lu ka Monyeha mwa nzila yaka. ["lo lu ka Monyeha mwa nzila yaka."] Kuzwa fa kuya kwapili, ["Kuzwa fa kuya kwapili,"] Ni ka Ku latelela. ["Ni ka Ku latelela."] Ka Libizo la Jesu. ["Ka Libizo la Jesu."] Amen. ["Amen."]

Lu ya kwa Sione,
 Oh, bunde, kwa bunde Sione;
 Lu zamaya ku ya kwa Sione,
 Ona Munzi wani omunde wa Mulimu.

¹⁹⁶ Kana sani ha si mi utwisi hande? [Puteho ili, “Amen.”—Mu.] Lu ipile sinca luna bañi, ka kuziba kuli mwa lipilu zaluna lu zusizwe kuzwa kwa bafu, lu ezipwe ba bapila. Kana ha si mi ezi kuikutwa hande? [“Amen.”] Mawi, oh, mawi! Na mi lata, ka lilato le li sa shwi.

Muteeleze. “Mulatane yomuñwi ni yomuñwi. Kakuli hamukoni ku toya muzwale wa mina, ye mu bona, mi mu bulele kuli mulata Mulimu, Yo mu si ka bona kale.” Mwabona? Kacwalo mu latane fela yomuñwi ni yomuñwi.

Mi, mu sebelezane yomuñwi ni yomuñwi, mu sebelezane Mulimu. Kana ki niti yeo nji? “Ona mo mu ezeza ku yo munyinyani wa bona yana ni Mata a bupilo ku yena, mu ezelize cwalo ku Na.”

“Ki lili ha lu kile lwa Ku bona utokwile? Ki lili ha lu kile lwa Ku lekula mwa tolongo? Ki lili ha lu kile lwa eza lika ze?”

“Se ne mu ezelize ku bona, ne mu si ezelize Na.”

¹⁹⁷ Kana ha ki sesinde sani? [Puteho ili, “Amen.”—Mu.] Na Mu lata, mina bo? [“Amen.”]

¹⁹⁸ Oh, kuna ni pina yeñwi hape ye lu lukela ku opela, haiba mu sa na ni muzuzu nyana. Oh, kihande, luka ikungela fela zona. Ku lukile. Ku lukile, sha. Oh! *Munge Libizo La Jesu*. Musike mwa libala seo, balikani. Halu iopeleñi kaufela luna cwale. Mañi ni mañi, hamoho cwale, ka pilu fela iliñwi yetuna, lu ife ku Yena. Ki foo, ka ze luna ni kaufela ku luna.

Munge Libizo la Jesu,
Mwana wa manyando ni maswabi;
Li ka kufa nyakalale ni mbombolelwa,
U lilwale kaufela ko u ya.

Libizo Lelinde, O kwa munati!
Sepo ya lifasi ni tabo ya Lihalimu;
Libizo Lelinde, O kwa munati!
Sepo ya lifasi ni tabo ya Lihalimu.

¹⁹⁹ Muhupule cwale, mu ni lapelele moyo o cisa wa nyandisa ha unzo fuka, fo diabulosi kwa maneku kaufela ha nza kangana, Ni ka hupula kuli mwa ni lapelela busihu kamba musihali, mi Ni kana ni mi lapelela.

Muyeme ni mulisana wa mina yomunde, Muzwale Neville, ni mubakweli wa hae, Muzwale Capps. Mu ba utwe. Ba ka mi luta Linzwi la Bupilo. Na lumela cwalo. Kambe Ne ni sa lumeli cwalo, kaniti Ne ni sike naba ni bona mo. Kaniti Ne ni sike. Ni lumela kuli ba lumela Liñusa, mi ba pila ni lona kuya ka mo ba utwisiseza, mi Ni na ni tumelo mwa bubeli bwa bona baana bani

cwalo. Muine ni bona. Mizwale yemiñwi ye, kwande ko babanga ni mukopano wa bona, bene ba yemi kwanu busihu bo, haiba nji mupila bukaufi ni ko ba yahile, muyemi ni bona. Mu utwile se ba tezi kwanu, busihu bwa kacenu.

Munge Libizo la Jesu,
 Kuba tebe kwa lilaba kaufela; (muiteeleze ku
 se)
 Miliko ha imi beya mwahali,
 Fela mubulele Libizo leli kenile lani mwa
 tapelo.
 Libizo Lelinde, libizo Lelinde, O kwa munati!
 O kwa munati!
 Sepo ya . . .

Mulimu Yomunde, folisa sicaba se. Na Ku lapela, Ndate, ka Libizo la Jesu. Lumeleza cwalo, Mulena, Na lapela.

. . . O kwa munati!
 Sepo ya lifasi ni tabo ya Lihalimu.
 Kufitela lu kopana! kufitela lu kopana!
 Kufitela lu kopana kwa mautu a Jesu;
 Kufitela lu kopana! kufitela lu kopana!
 Mulimu abe ni mina kufitela lu kopana hape.

Halu inamiseni litoho zaluna cwale.

[Muzwale Branham ukala kuñuñuna *Mulimu Abe Ni Mina—Mu.*] O Mulimu, ba ni luna. Lu tuse, Mulena.

. . . lu kopana kwa mautu a Jesu! (kufitela lu
 kopana!)
 Kufitela lu kopana! kufitela lu kopana!
 Mulimu abe ni mina kufitela lu kopana hape.

²⁰⁰ Yani kaniti kona tapelo yaka. Kufitela lu kopana hape, Mulimu ami fuyole! Mi cwale Ni ka kupa Muzwale wa luna yomunde Neville kuli ato lukulula kopano yende ye.

Mulimu wa mi lata, mañi ni mañi. Ni itumela hahulu ka kuba ni sicaba inge mina kaufela. Liñusa la ka ne likaba cwani kambe Ne ni sina yana ka Li lumela? Mi kuna ni batu mo, bao mubata kushwela ka Lona, bakeñisa Liñusa le lu nani le. Mulimu ami tuse, mañi ni mañi. Litapelo za ka liinzi ni mina. Limbuyoti za ka li zamaye ni yomuñwi ni yomuñwi wa mina. Musike mwa libala kuli mu siemba sa zuho yani. Ona Mata a ku taha mwa bupilo mwahali ku mina. Kaufela li felile. Mu bana ba Mulimu.

Halu inamiseni litoho zaluna, kufitela Muzwale Neville ato lu lukulula. Mi Mulimu ami fuyole.



*KANA MULIMU WA CINCANGA MULELO
WA HAE KA LINZWI LA HAE?* LOZ65-0418E
(Does God Ever Change His Mind About His Word?)

Liñusa le ka Muzwale William Marrion Branham ne li kutilizwe lwa pili mwa Sikuwa la Sunda manzibwana, Lungu 18, 1965, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org